

全史詳校

リ伊8
2611
1



門 伊 8  
號 2611  
卷 1-10



余工史詳校  
十卷  
論五卷  
卷一

會稽章氏刻  
庚辰五月懿榮題

金史詳校卷首

金源一代年祀不及契丹與地不及蒙古文采風流不及南宋然考其史裁大體文筆甚簡非宋史之繁蕪載述稍備非遼史之闕略敘次得實非元史之譌謬廿餘年來雨窗燈夕手此一編讀凡十餘過校勘小詳楮墨漸積成書計十卷不揣固陋敢希問世聊序卷端以誌歲月附題長句云閑消我有肆簾風寓墨金源舊事叢野史功臣慙褚補圭齋諍友悔劉通書鈔冷局讎難徧字訂譌傳擬未工長此一編深篋底敢言載筆附羣公辛未春日北研識

例言

金史有元至正四年甲申祖刻本卽江浙板又明嘉靖萬  
厯南北兩國子監本迨

國朝有康熙二十五年重修北監本乾隆四年

武英殿本又有奉

旨改譯本每卷後附攷證數則其改定處精核詳盡並行  
畫一遵守毫無遺憾惟是佔畢旣久間有一得不忍自棄  
錄存以備芻蕘之采

余先讀南本次校北本及諸本又從吳門蔣槐堂借校元  
本因爲之辨體裁攷事實訂字句得其譌謬衍脫顛倒諸  
處約四千餘條錄本以藏名曰詳校其間各本皆譌者則

曰某字當作某各本互譌者以南本爲主則曰某字元作  
某是北作某是或云某字元作某非北作某非各本俱脫  
者則曰當加某字各本互脫者亦以南本爲主則曰元有  
某字元無某字或云北有某字北無某字各本俱衍者則  
曰某字當削各本上下文顛倒者則曰某當改入某  
凡局官修史成非一時體例不同作非一手優劣互見傳  
非一刻亥豕不免原其病有三一曰總裁失檢凡七科一  
曰纂修紕繆凡六科一曰寫刊錯誤凡七科今分類摘出  
略見大例於卷首

總裁失檢

言本  
紀載非體 章紀泰和四年前代帝王云云當入禮志八  
又五年時宋殿帥云云當入僕散揆傳 完顏匡傳  
其遺詔云云當入衛紀 徒單鎰傳自中都云云當入  
官志兵部

顛倒年月 哀紀天興二年辛巳官奴一段 刑志承安  
二年一段 又泰和二年一段

傳次先後 六十八卷阿魯補傳當次骨赧傳後 七十  
四卷文傳當次京傳前 七十八卷劉萼傳當次劉筈  
傳後 九十一卷移室邁傳當入忠義蒲階傳後 九  
十二卷盧庸傳當次一百四卷蒲察移刺都傳後 九

十五卷蒲察通粘割斡特刺程輝及九十六卷黃久約  
四傳當次八十八卷移刺道傳後 九十六卷梁襄傳  
當次九十七卷韓錫傳後 一百二十二卷黃摑九住  
傳當次上卷宋展傳前 又烏林荅乞住陀滿斜烈尼  
厖古蒲魯虎三傳當次上卷高錫傳後 又兀顏畏可  
傳當次本卷完顏六斤傳前 又兀顏訛出虎傳當次  
本卷從坦傳前 又粘割貞傳當次本卷納合蒲刺都  
傳後 一百三十一卷方技馬貴中武禎李懋胡德新  
四傳當在前劉完素張從正李慶嗣紀天錫張元素五  
傳當在後

附傳非例 宗本傳後附蕭玉當入佞倖 僕散揆傳後  
附抹撚史挖搭當入忠義 撒合輦傳後附強伸當入  
忠義 奴申傳後附崔立當入叛臣 張覺傳後附張  
僅言當附敬嗣暉傳後  
複漏世系 宗強傳子阿瑣阿瑣傳又云宗強之幼子  
石土門傳子思敬思敬傳又云神土懣之子 阿离合  
懣傳子翰論晏傳又云阿离合懣次子 宗雄傳子按  
答海按答海傳又云宗雄次子 阿离合懣傳末賽也  
子宗尹後失載宗甯翰論子宗道宗甯傳云阿离合懣  
之孫宗道傳云訛論之少子 夾谷謝奴傳末不言子

查剌查剌傳父謝奴下不言自有傳 烏延蒲轄奴傳  
子查剌查剌傳又云蒲轄奴子

濫傳可削 蕭拱傳止敘彌勒穢事 尤虎筠壽傳止敘

毳杖細事 完顏闔山傳事不類據贊似本無此傳

烏古論禮傳止敘官爵

一事數見 四見者撒合輦中京見哀紀正大四五年撒  
合輦傳赤蓋尉忻傳陳規傳 三見者賜亮生日見海  
陵紀悼平后傳大興國傳 辯論廢立見海陵紀胙王  
元傳唐括辯傳 按察大王見海陵紀胙王元傳張通  
古傳 女直進士見世宗紀大定二十六年夾谷衡傳

尼厯古鑑傳 戶部鄧儼見章紀明昌元年鄧儼傳徒  
單鎰傳 章宗遺詔見衛紀元妃傳僕散端傳 至一  
事兩見者不勝枚舉其文或大同小異或並存一削各  
見本文

纂修紕繆

文無限斷 左企弓虞仲文曹勇義康公弼四傳多雜遼  
事 張中彥字文虛中王倫三傳多雜宋事 宗望闕  
母傳語在宋事中 張邦昌傳宋史有傳 僕散忠義  
傳是爲宋孝宗 官志三一金格 移刺蒲阿傳十二  
金軍 白華傳三金軍一金制 國用安傳二金朝

年次脫誤 夾谷謝奴田灝溫迪罕蒲睹納蘭綽赤四傳  
全不紀年 王伯龍傳紀年皆誤 徒單四喜傳錯記  
一年

互傳不合 章紀明昌五年語載琪傳中馬琪傳不載乃  
見河渠志 又泰和二年事載從彝傳霍王從彝傳無  
文 河渠志漕渠事見漕渠乃見盧溝河 胥鼎傳語  
在德升傳烏古論德升傳無此語 王政傳子遵古有  
傳遵古乃附見子庭筠傳 窩斡傳語見鶴壽傳鶴壽  
附見鄆王昂溫迪罕蒲睹傳忠義列傳乃紇石烈鶴壽  
王浩傳三人有傳忘去宋九嘉劉從益

闌入他事 幹魯傳入酬幹事 宗望傳入遼和尚道溫  
事 納合椿年傳入紇石烈良弼事 蘇保衡傳入傳  
慎微事 李復亨傳入趙秉文事 完顏綱傳入承裕  
完顏匡朮虎高琪事

文筆稱累 海紀迪輦阿不者蕭拱也 衛紀胡沙虎紇

石烈執中也 食貨志如不欲食啖 幹魯古傳閣哥

亦宗室子也 宗雄傳以宗雄等言其地可種藝也

劉昂傳李純甫故人外傳云 路鐸傳四頃之 僕散

端傳頃之無何未幾見一行中 烏古論慶壽傳三頃

之兩未幾一久之 官志太宗正府一段五泰和六年

訛可傳四初字

本名疊見 彌勒傳一百六十字入彌勒 李上達傳二

百餘字八上達 馬諷傳二百六十字入諷 趙元傳

三百七十字十元 石抹卞傳四百字十二卞 楊邦

基傳四百字十三邦基 賈少冲傳四百餘字十一少

冲 張九思傳五百餘字十二九思 徒單恭傳六百

七十字二十三斜也 亨傳七百八十字二十八亨

闍母傳一千二百字三十五闍母 斜卯阿里傳一千

三百字三十四阿里 蕭裕傳一千四百字三十九裕

幹魯傳一千六百字四十四幹魯 毅英傳一千八



百字四十四穀英 武仙傳二千字六十七仙 宗弼  
傳二千二百字五十二宗弼 紘石烈志甯傳二千六  
百字四十八志甯 宗翰傳二千七百字六十二宗翰  
宗望傳二千九百字六十二宗望 紘石烈執中傳  
三千字四十九執中 紘石烈良弼傳三千餘字五十  
七良弼 徒單克甯傳四千餘字九十克甯  
寫刊錯誤

脫載無攷 選志王安石上 劉頰傳魯誼對下 李英  
傳十策少一

倒脫重刊 地志息州褒信新蔡北本脫一行 禮志雜

儀世宗聖壽倒刊一行 李愈傳言甚荒唐上脫刊一  
行 天文志丙午月犯重刊一段 官志提舉權貨重  
刊一條 又南北二本總目尾頁刪去校勘十人姓名  
禮志原廟及宗磐傳並有空白一頁官志倉場司後失  
刊尾頁五行幸元刊本具存得以攷補

小字誤大 地志慶州北至二十八字 又秦州北至二  
十二字 食志鹽山東舊課二百六十字 儀衛志天  
德黃麾仗下水碓二十二字 官志御史臺以上十二  
字 又都水監分治十三字興定二十八字 又大理  
寺自少十九字 又譏察使南遷二十字

大字誤小 地志廣甯注鎮六寨四 官志都巡河注大  
定十三字 又縣君注金格一百三十七字

脫朔 太祖收國元年七月戊辰朔遼攷宋紀 天輔五年六

月癸巳朔同上 太宗天會九年五月丙申朔效異云 熙

宗天會十四年八月丙申朔禮集 海陵貞元元年二月

庚申朔得推 十二月乙卯朔同上 世宗大定十六年二

月丁丑朔莊嚴寺牒 十七年八月戊辰朔三清觀鐵盆記 章宗

承安三年三月戊戌朔得推 哀宗正大七年七月庚寅

朔合達傳 天文志承安五年十一月癸丑朔紀 又皇

統三年正月己丑朔紀 又貞元元年十二月乙卯朔

推得 又閏月乙酉朔同上 又大定十一年八月癸卯朔

紀 又大安三年正月乙酉朔紀 五行志皇統三年

五月丁巳朔紀 又大定四年七月戊申朔紀

月譌日譌 皇統元年三月 又二年四月 又四年十

月十一月 貞元二年四月 正隆二年十二月 大

定三年九月 又五年三月 又六年三月 明昌五

年二月 承安四年十一月 天眷二年二月乙未三

月丙辰 天德二年十一月乙丑 正隆元年閏月庚

寅 大定十四年四月戊子 泰和三年三月壬申朔

大安二年正月庚戌十二月辛酉

字譌 如史吏獻憲幹兀元部都隕頤祈祁獲獲嘉喜  
左右大太下上比北蒲滿秦泰洛洛州川沔澗官宮丞  
承日曰寇冠鞠鞠授受傳傳等皆連篇屢錯至于千支  
方名數目及傳譌之一二見者難更僕數若字畫偏旁  
積誤大抵開卷卽見頁頁都有無從細校矣

同治庚午烏程汪日楨校寫已酉初校  
寫本兵燹無存此爲第二次校寫之本

金史詳校卷一

烏程施國祁學

卷首

進金史表 不披往牒 不歐陽元圭齋集作弗  
其得國也 得集作立  
若置郵而傳令 令集作命是  
嘗循初而迄終 迄集作迄  
天會有吞四海之勢 勢集作志  
勁卒擣居庸關 卒集作兵  
南撻其吭 撻集作扼  
席卷雲朔 雲集作河非

通宋人以偪河淮 以偪集作而逼  
冒萬險 險集作死非

爰及世祖 爰及集作及我

勞來遺黎 來集作徠

撤武靈之舊趾 撤集作徹

若此貞符 貞集作真

變故多而舊史闕 史北監本作吏非

耆艾沒而新說訛 訛集作譌

修史官員 朝請大夫 請北作議

目錄上

世祖簡翼皇后 簡翼已作翼簡禮志

輩魯 當加注孫劾者本傳

麻頗注子謾都訶 訶當作本北作謾都無本字非 又

謾都下當加注孫惟鎔

昂注本名吳都 吳都已作烏特

宗賢 案史目兩傳同名者如此宗賢名阿魯與七十卷

宗賢名賽里七十六卷杲名斜也與八十四卷杲名撒

离喝七十六襄名永慶與九十四卷內族襄名唵七十

二卷婁室與一百十九卷完顏婁室大小中三人七十

三卷阿鄰與一百三卷完顏阿鄰姓郭八十八卷移刺

道名趙三與九十卷移刺道名按皆重見惟六十五卷  
昂名吳都與八十四卷昂名奔賂六十六卷撻懶與七  
十七卷撻懶名昌亦同名列傳者而總目子目皆作奔  
賂撻懶傳始作昂昌字猶之兩目之撻懶內族襄而傳  
乃作特進撻懶丞相襄並繫總裁未能盡一

膏 已作膏元作膏

注本名阿里 元本里下有刺與世紀補合

留可 當加注詐都本傳

治訶注子阿魯補 子字當削阿魯補三字當升作大字

本傳

元 已加注本名常勝

目錄下

宗翰注子斜哥 子當作孫

左企弓 虞仲文注曹勇義康公弼附 左泌注弟淵姪

光慶 當併作一條作左企弓注虞仲文曹勇義康公

弼附子泌淵孫光慶

撻懶 當作昌注本名撻懶本傳

劉萼 當改次劉箬後

張中孚 中北作仲非

光英 此後當加元壽本傳

奔睹 當作昂注本名奔睹本傳

烏延查刺 當改子查刺注于上烏延蒲轄奴下

內族襄 當加注本名唵

王賁 當加注弟質

溫迪罕締達 當加注子二十

許可 當加注陳哥附

古里甲石倫 當加注粘葛全周附

內族思烈 當加注王仲澤附

紇石烈牙吾塔 當加注康錫附

賽不 賽上北有完顏二字與子目合 又當加注楊居

仁附合

蒲察官奴 當加注冀禹錫附

國用安 當加注張介附

武仙 當加注移刺瑗附

胡沙補 當加注撒八

特虎雅 雅字當削 太祖紀天輔四年五月完顏特虎

死焉忠義本傳特虎雅撻瀾水人案雅撻瀾水見婁室

碑及謝庫德傳總目乃誤以水名連作人名耳即牙塔懶猛安

見納坦謀嘉傳

僕忽得 此後已加酬幹

溫迪罕蒲睹 已加注鶴壽等

訛里也 已加注閏孫史大等

鄯陽 此後已加石古乃

九住 已加注李果速

齊鷹揚 當加注楊敏中等

尤甲法心 當加注溫迪罕咬查刺等

從坦 已加注郭用

女奚烈幹出 已加注王謹

梁持勝 已加注賽不等

移刺阿里合 已加注孔祖湯

完顏陳和尚 已加注斜烈

楊兀衍 兀北作沃是 又已加注劉興哥等

姬汝作 當加注楊鵬

禹顯 已加注張邦憲等

馬慶祥 已加注胥謙等

烏古孫奴申 已加注阿虎帶等

蔡八兒 已加注毛佺等

溫敦昌孫 已加注胡失打

劉完素 張從正 李慶嗣 紀天錫 張元素 馬貴

中 武禎 注子亢 李懋 胡德新 當作馬貴中武

頑子李懋胡德新李慶嗣紀天錫劉完素張元素張從  
正元案本傳序次馬貴中等當在前劉完素等當在後  
又完素等五人世次亦紊今攷定如此 又案完素守  
元素潔海世朝人從正子和衛宣朝人明王禕忠文贈葛  
仲正序云說者以為醫學視時盛衰而為損益守真子  
和值金人強盛民悍氣剛多用宣洩之法其衰也兵革  
之餘民勞志困潔古明之即李杲金末人元史有傳多加補益之功  
其論似是而時代則非承此目之誤也明人讀古書心  
最粗略據總綱輒肆妄論義烏已啟其端矣  
秉德 已加注本名乙辛

紇石烈執中 已加注本名胡沙虎  
總一百三十五卷 此後元本有校勘臣彭衡臣倪中臣  
麥徵臣岳信臣楊鑄臣牟思善臣卜勝臣李源臣揭模臣  
丁士恆計四行凡三十四字

卷一

世紀

曰白山部 北魏書勿吉傳國有大水濶三里餘名速末  
水南有徒太山魏言太白  
混同江亦號黑龍江 洪皓松漠紀聞長白山在冷山東  
南千餘里黑水發源於此舊名粟末河契丹德光破晉



改爲混同江齊召南水道提綱松花江下云活同凡河  
卽混同江有四源出黑山之西麓黑山在長白頂之東  
北百四十里其源又合數水西北曲而南流四百餘里  
有松嘎里烏喇卽松花江自南來會卽古名混同江也  
案金源本黑水部此江又出黑山當時土人或有黑龍  
之稱自與塞外無涉故史文止云亦號耳而楊賓柳邊  
紀略辨兩江源流相去甚遠以駁紀誤非矣提綱又云  
黑龍江卽古漠北之黑水靺鞨室韋所居其上源卽元  
時斡難河自喀爾喀西界內小肯忒山東麓東北曲流  
合支水五十餘約行二千餘里至昂衣得河始名黑龍

江又東北復東南流合支水百餘約行四千餘里而松  
花江自西南來會據此知上源道里殊絕若二江一名  
史官不應遺誤至此

始祖居完顏部僕幹水之涯 幹當作幹

獲耶律謝十 獲當作殺

太祖紀

乃使梁福幹荅刺 幹當作幹

獻祖 五年增諡獻祖 獻北作憲非

昭祖 天會十五年追諡成襄皇帝 五當作四 案大

金集禮載天會十四年八月丙申朔禮官庚戌上議丙  
辰禮成禮志亦云丙辰奉上九代祖妣尊諡廟號則在

十四年無可疑者紀申自此後並云十五年至后妃傳  
凡書追諡無一言十四年者皆譌

景祖 乃留石顯於邊地 留石顯傳作流非

先遣同幹 幹當作幹

善啄物 啄北作啄非

遼咸雍八年 八當作十

世祖 肉脹咽死矣 脹元作張

歡都在破烏春等 在當作往

天會十五年 五當作四

蕭宗 大安八年自國相襲位 此下當加年五十一

二年癸酉 案是歲為遼道宗大安九年蕭宗襲位始自

稱元故變文書之下穆宗康宗稱元同

伐尼麗古部 元作泥麗北作泥麗

蕭宗卒 此下當加年五十三

天會十五年追諡穆憲皇帝 五當作四 帝下當加廟

號蕭宗

穆宗諱盈歌 案高麗史明孝七年東女直太師盈歌來

朝

遼重熙二十一年癸巳歲生 一當作二

乃援創 創已作槍

特賜物來 特元作持是

穆宗卒 案穆宗卒於癸未歲遼史天祚紀在乾統元年

辛巳歲譌趙氏咳餘叢攷据遼史駁此紀亦非

天會十五年 五當作四

康宗 乾統五年癸未 五當作三

十一年癸酉 酉已作巳

附世紀年表

辛酉 宋真宗天禧五年 景祖生

己卯 遼聖宗太平元年 世祖生

壬午 遼興宗重熙八年 肅宗生

癸巳 遼重熙二十二年 穆宗生

辛丑 遼清寧七年 康宗生

戊申 遼道宗咸雍四年 太祖生

甲寅 遼成宗元年 景祖卒世祖襲

乙卯 遼熙寧八年 太宗生

壬申 遼哲宗元祐七年 世祖卒肅宗襲始稱元

甲戌 遼大安十年 肅宗三年卒穆宗襲稱元

癸未 遼天祚崇寧二年 穆宗十年卒康宗襲稱元

癸巳 遼天慶三年 康宗十一年卒太祖襲稱元

卷二

太祖紀

仁明莊孝 當作睿神莊孝仁明 集禮

世祖與臘醅麻產戰於野鵲水世祖被四創疾困 當作

景祖與謝野亭堇戰於拔里邁灤旋師至部疾困 案

世紀世祖野鵲被創在遼道宗大安六年庚午太祖生

於戊申計年已二十有三安得有下文坐太祖於膝循

其髮而撫之曰此兒長大吾復何憂十歲好弓矢甫成

童即善射等語決為景祖甲寅年事乃遼咸雍十年時

太祖方七歲始合

以財殺人 財北作賊非

衆曰吉 衆下元有皆字是

撫諭幹忽急賽兩路 急當作忽 幹魯古傳

遣宗幹止之 幹當作幹

且稱帝因勸進 當作且勸進因稱帝

蕭紉里 紉元作紉

方壞陵道 陵元作凌

幹魯敗遼兵 魯下當加古

斬統軍婁實於陣 幹魯古傳及遼史天祚紀皆作實婁

收國元年 乙未 宋徽宗政和五年 七月戊辰 此下當

加朔 據遼朔考宋徽宗政和五年

弟斜也為國論勃極烈 論下當加景 案景本傳作景  
勃極烈撒改傳作國論景勃極烈乃以景而兼國論者  
八月戊戌 此下當加朔

熙宗天眷二年以黃龍府為濟州 地志作三年

徑渡如前 此下當加命古撒喝攻保州

二年 丙申 宋六年 韋室 當作室韋

兀惹 兀北作元非

天輔元年 丁酉 宋七年 拔顯州乾懿豪徽成川惠等州

皆降 案紀下文七年正月宜錦乾顯成川豪懿等州

皆降與遼史屬國表保大三年正月遼興軍宜錦乾顯

成川豪懿等州降金合此則謀夏錄所云焚掠成懿豪  
惠等州又破乾顯等州乃僅遭殘毀已降復叛耳亦見  
斡魯古傳

是月宋使登州防禦使馬政 至 願界下邑 五十二字當

改入二年閏月以國書來文下 徐夢莘三朝北盟會

編宋徽宗政和七年丁酉八月高藥師等渡海空回至

次年戊戌重和改元四月二十七日始遣馬政等行八

月四日下海閏九月九日達北岸二十七日至金人所

居 案太祖實錄當略載交宋事而史官修帝紀必詳

其始偶見會編始於丁酉即錄繫此年末而不知適先

一年 又會編所紀年月明白可據紀下諸誤仿此改  
正 又本文已錄次年閏月下不再列後並仿此

二年 戊戌 宋重和 二年誤作三年北作二年不誤

使散觀如宋 至 得者有之 二十三字當改入下十月各

以所部為千戶文下 案會編重和元年女真發勃海

一名李善慶熟女真一名小散觀生女真一名勃達三

人齋國書以十二月二日至登州且紀下三年六月散

觀還自宋若如宋在正月無因留滯年餘之久

命間哥 間已改闕與元本合北作聞非 案闕哥即闕

母會編作蟾目大王乃音之轉耳

三年 己亥 宋宣和 正月 案遼屬國表正月金遣烏

林贊謀持書來迎冊禮紀略

宋使馬政及其子宏來聘 十字當削 案會編宣和九

年三月宋止遣呼延慶用登州牒去別無使事且政宏

之使自在明年九月與紀四年十二月事合非此時事

宋使還 三字當削

復遣苴堇辭列曷魯等如宋 十一字當改入四年七月

上至自伐遼文下 案會編宣和二年七月丙辰金遣

斯敕習魯大迪烏來許燕地九月戊午辭宋差馬政及

子擴隨行十一月丙寅至三年正月金復遣曷魯大迪

烏來議夾攻十一月曷魯自海上歸會編尚詳曷魯往來凡兩次紀文主簡連下二月宋還文凡一次茲故略其中間特從其首尾改訂之

四年

庚子 宋二年 遼十年

二月辭列曷魯還自宋 二月當削

下七字當改入五年末赴闕文下 說已見上

宋使趙良嗣王暉來議燕京西京地 十四字當改入本

年四月文下 案會編宣和二年三月六日良嗣等奉

使二十六日泛海四月十四日抵薊州關下紀不合先

書 又程史云予讀北遼遺事見良嗣與王瓌使金隨

軍攻遼上京破有詩云建國舊碑胡月暗興王故地野

風乾回頭笑向王公子騎馬隨軍上五鑿卽此

九月

燭隈水部 至

以叛 二十一字當改入五年七月帥

師而西文下 案忠義傳酬幹僕忽得二人往隨古河

籍軍被殺乃謀取中京耳紀上方取上京回安得卽有

籍軍事必在五年余睹旣降決議親征之後

戊寅

命幹魯 至

以討實里古達 戊寅當作十月 十九

字當改入五年十一月文上

五年

辛丑 宋三年 遼保大元年

正月幹魯 餘悉撫定 正月當

削 幹下二十一字當改入六年正月遂下澤州文下

案上年命討事旣改入本年十月此亦應改入下年

且據幹魯傳亦云討平師還即從都統杲襲西京尤合

六月癸巳 此下當加朔 遼攷

十一月辛丑 一當作二 案遼朔考十一月壬戌朔安

得有辛丑甲辰戊申等日

六年 壬寅 宋四 降奚部 部北作都非

年遼二年 悉已撫定 已元作以

三月 案遼屬國表三月羣牧使謨魯幹歸金殿前點檢

耶律高八歸金紀略

是月遼秦晉國王耶律捏里即位于燕 是月當作丙子

案遼紀會編為三月十七日

金肅西平二郡 西平當作河清 案杲傳亦作西平而

遼地志西京道有金肅州河清軍宋史夏國傳先是金

人遣使夏國許割天德雲內金肅河清四軍弔伐錄天

輔七年三月宋回書云夏國自去歲已輒占金肅河清

兩軍

是月耶律捏里卒 是月當削 案遼紀會編為六月二

十四日即上文辛亥

敗契丹奚漢六萬 漢下當加兵

七年 癸卯 宋五 田顯 顯當作灝 本傳

戊午 案弔伐錄三月戊午命馬同權管勾燕京事將以



其地付宋故也紀略

耶律麻哲余睹吳十鐸刺等謀叛 哲下當加告希尹余睹傳

案遼屬國表天慶六年四月族人痕孛鐸刺吳十撻

不也道刺酬幹平甲盧僕古關离刺韓七吳十那也溫

曷魯十三人皆歸金國其鐸刺當即弔伐錄使宋之耶

律鐸刺亦稱王度刺者惟其中有兩吳十從金人文字即胡什乃異

稱此文下止杖鐸刺不及吳十至後熙紀天眷二年六

月復書吳十謀反未審與此吳十為一人為兩人

上召余睹從容謂之曰至吾不汝疑 八十字當削改作

上召余睹戒諭之 案文全與余睹傳複

余睹皆戰慄不能對 皆當作等余睹傳

宋使盧益 此上當加丙寅弔伐錄

七月 此下當加阿買勃極烈辭不失薨本傳

戊申上崩 遼天祚紀書於保大四年非

甯神殿 此上當加建

天會三年三月上尊諡曰武元皇帝 案禮志作十二月

二十五日上諡曰大聖武元皇帝攷異云

贊 金有天下百十有九年 案目錄金九帝起太祖收

國元年乙未盡哀宗天興三年甲午百二十年此復言

百十有九年者乃蒙古史臣削去哀宗天興甲午十日

耳紀錄未免矛盾 又他書或稱百十有八年者以丁酉為元稱百十有七年者以戊戌為元

詳金元雜興太祖建元詩注

卷三

太宗紀

孛懶氏 孛元作孛

收國元年十月 十已作七與元本合

天會元年 癸卯 宋宣和五年 遼保大三年 其以便宜從事 其以北

作以其非

二年 甲辰 宋六年 遼四年 興中府降 案此在十月遼天祚紀

八月國舅詳穩撻不也筆硯祇候察刺降金又屬國表

九月建州降金紀並略

詔以米五萬石給撻懶實古迺 案二傳皆不載

三年 乙巳 宋七年 遼五年二月亡 宋遣使賀即位 六字當加作辛

丑朔宋遣使賀即位改入後六月文下 案此宋使紀

文附正月末第攷許亢宗奉使行程錄三十五程至和

里間寨時當仲夏又言榜額曰乾元殿而紀下三月乃

云始建乾元殿皆不得繫正月末可知又據交聘表辛

丑宋許亢宗賀即位夫辛丑為六月朔遼朔攷宋徽紀

並同則與仲夏乾元殿合矣若宋紀在宣和六年七月

乃宋人命使之日不足據

婁室獲遼主 案會編引北征紀實定為粘罕所獲而以

亡遼錄茅齋自敘等書為非乃傳聞之譌

分授所徙烏虎里迪烈二部 烈下當加底

破宋河東援兵于汾河北 此下當加壬戌上太祖尊諡

禮志

四年 丙午 宋欽宗靖康元年 始朝日 此下當加夏遣使來賀 表

董才 秀水閒居錄云政和末契丹燕雲叛有董龐兒者

率眾為劇寇蔡京領三省遂招龐兒許以燕地王之龐

兒上表自號扶宋破虜大將軍董才後歸朝賜姓名趙

詡者是也據此紀是才又嘗降金賜姓完顏氏矣

問宋取首謀平山童貫譚稹詹度及張覺等 案弔伐錄

又有李應衛甫趙仁彥

宗望許宋修好 此上當加丙子 表

攻下隆德府 此上當加乙卯 宋紀

大敗宋人於西都谷 人元作兵是

錢伍百萬 伍元作五是

蕭仲恭使宋還以所持宋帝與耶律余睹蠟書自陳 案

會編云又與遼梁王書為粘罕游騎所得

宗翰伐西京 伐元作發是

閏月 案靖康紀聞拾遺金天會四年閏八月而中國乃

閏十一月蕃漢不同如此然此紀仍閏十一月紀聞誤

敦勸農功 此下當加是歲始建尙書省 官志韓企先張通古傳

五年 丁未 宋高宗建炎元年 高麗王遣使來賀 王已作夏與元

本合

立宋少宰張邦昌 少當作太 本傳

趙州降阿里刮徇地濬州 當作阿里降趙州蒙括徇地

濬州

六年 戊申 宋二年 韓魯入馮翊 案婁室碑云子七人次韓

魯迭刺部節度亦見石古乃傳與列傳者不同

七年 己酉 宋三年 以南京留守韓企先 南當作西 本傳

以麟府豐三州降 案豐州即天德軍屬西京路麟府二

州自五年割以與夏此復受降至熙宗皇統六年以邊

地賜夏國乃復與耳亦見張奕傳

破晉甯軍 至 盡殺之 六十九字當作破晉甯軍殺其守

徐徽言及統制孫昂等 案此傳與婁室傳復且文繁

非紀體是實錄未刪之稟又於金紀而詳宋事 與元史太祖紀

二十二年所載金臣愛申死事同 乃史官失於限斷之故再攷宋高紀

建炎三年正月粘罕陷徐州守臣王復及其子倚死之

劉昌詩蘆浦筆記詳載其事在徽言前一月而紀不書

於粘罕何諱於晉甯何詳甚矣史事之難也 又粘罕

自前年會濮後宋紀詳載其犯東平降濟南陷襲慶等事是年正月降徐州復又載其趨淮甸至泗州犯楚州過揚子橋入真州焚揚州陷京東諸郡等事本傳亦載一二紀皆不書夫國家於強臣悍帥申其罪當不沒其功乃粘罕反謀未著熙宗既不明正厥辜而史臣於實錄中盡削其關土開邊之績何以取信後世哉至元人修紀尤不足責

三月己卯朔案宋高紀是年閏八月今從此月朔順推至九月丙午朔得二百八日有閏無疑事略不書

高貞罷貞當作楨本傳

拔离速等襲宋主於揚州案穀英傳此下有拔离速追宋孟后於江南穀英趨潭州等文紀略

治甯州甯上當加會

八年庚戌詔曰婁室至其戮力焉三十八字當改

作詔從之案文與睿紀複

九年辛亥撫定鞏洮河樂西寧蘭廓積石等州

睿紀阿里補傳同樂州廓州乃宋地見杲昂高彪等傳

五月當是丙申朔攷異

十年壬子聞鴨綠混同江暴漲綠元作淥

分遣鶻沙虎等十二人二元作三

十一年

癸丑  
宋三年

趙楞誣告其父昏德公謀反楞及其壻

劉文彥伏誅

蔡偉北狩行錄癸丑六月二十四日沂

王楞駙馬都尉劉文彥首告謀反於金國偉是日聞之  
莘王植駙馬都尉宋邦光徑令立聞達太上太上驚惶  
未以為然翌日遣渡河以詢虛實既濟則千戶亭堇按  
打曷者已陳兵河濱二逆般發往彼帳前矣盡得其所  
陳之詳偉歸太上即令親屬及一行臣僚合議徐王棣  
以病不能出餘皆預已聞有不測之議至是皆悚慄偉  
曰吾儕前日不死國難二帝播遷已有愧於前人不意  
逆黨出於至親至愛之間捐軀効命正在今日偉身以

貫高自處願諸公盡力以徇急難少有退避者神明殛  
之言詞慷慨坐皆泣下莫不感奮至七月中旬彼遣兩  
使前來勘問太上遣植同偉往來使欲太上渡河辨又  
遣徐王棣宋邦光再往至則尚執前議乃請淵聖及信  
王榛駙馬都尉向子辰內侍王若冲同偉往實之再三  
力懇彼使方許明日至行宮側就偉所寓之地而問焉  
羣臣力拒往反詰問三日之間二賊氣折自承誣枉案  
上彼遣前使以諭太上一面處置太上曰二子悖逆案  
告微臣天倫之屬豈忍為之使曰若如此自有宣命並  
死之案紀載此事不見他傳故補注之

十二年

甲寅 宋四年

遣使來賀

此下當加以韓企先為尙

書右丞相

本傳

十三年

乙卯 宋五年

正月丙午朔日有食之

案宋高紀紹

興五年作正月乙巳朔日食不合宋金兩史所載日食

互失者有之不同月者有之

並詳金源雜興 大明歷詩注

不同朔者

止此年據宋日官陳得一言日食八分半虧在巳初其

言卒驗則巳巳朔確有可憑不應金國於丙午日復有

日食之理第據熙紀是年正月庚午卽位集禮載為二

十五日則丙午朔又無可疑者蓋是時遼日已失金歷

未頒雖宋術小密而張致遠尙有十二月失進小餘四

月進作大盡之語則此數月之異同不若闕疑為是

又苗耀神麓記吳乞買患中風天會十三年乙卯歲正

旦近侍扶掖而行見佛在東方從日出而現從者皆仰

而瞻禮間吳乞買問汝等見甚皆云佛像在日傍雲間

言未訖吳乞買昏仆案此非佛見乃日食耳近侍諱其

說亦一證

卷四

熙宗紀

天會

十三年

乙卯 宋 紹興五年

甲戌詔中外詔公私禁酒癸

酉遣使

當作癸酉詔公私禁酒甲戌詔中外遣使

九月壬申 案宋高紀是年閏二月又據集禮壬申為九月二日則知朔在辛未自此逆數至正月丙午朔得二百六十八日有閏無疑

皇妣蒲察氏為惠昭皇后 案此後史不列傳

十四年丙辰 十四年當提行

上尊諡曰欽獻皇后 獻傳作憲

八月 當是丙申朔集禮

為齊劉豫回謝并生日正旦使 此下當加平章政事完

顏忠薨本傳

十五年丁巳 十五年當提行

宗翰薨 案攷異據本傳以為卒於十四年者非也亦由

紀文失提行之誤

叔祖暈 案世祖諸子傳提綱次室朮虎氏生沂王查刺

宗室 表同 紀下天眷二年七月甲午咸州詳穩沂王暈坐與

宗磐謀反伏誅即此

十月乙卯 案是年正月癸亥朔至次年正月戊子朔順

數得三百八十五日又是月有乙卯而下文十一月丙

午反在前九日推得十月必閏而宋高紀紹興七年亦

無文大抵皆事略不書

天眷元年戊午 立裴滿氏為貴妃 松漠紀聞作徒



單氏非而會編紹興十二年皇太后回許金劉皇后首飾則又以爲移刺矣

八月甲寅朔頒行官制 金國聞見錄天眷元年奏請定官制劄子竊以設官分職創制立法者乃帝王之能事而不可闕者也在昔致治之主靡不皆然及世之衰也侵冒放紛官無常守事與言戾實由名喪至於不可復振逮聖人之作也剷弊救失乘時變通致治之具然後煥然一新九辨復貫知言之選其此之謂矣太祖皇帝聖武經略文物度數曾不遑暇太宗皇帝嗣位之十二載也威德暢合萬里同風聰明自民不疑於物始下明

詔建官正名欲垂範於將來以爲民極聖謨宏遠可舉而行克成厥緒正在今日伏惟皇帝陛下上承孝德欽奉先猷爰命有司用精詳訂臣等謹按當唐之朝品位爵秩攷覈選舉其法號爲精密尙慮拘牽故遠自開元所記降及遼宋之傳參用講求有便於今者不必泥古取正於法者亦無徇習今先定到官號品次職守上進御前以塵乙覽恭侯聖斷曲加是正言順事成名實實舉興化阜民於是乎在凡新書未載並乞姑仍舊貫除用討論繼此奏請臣等顧惟虛薄講究不能及遠以塞明命是懼儻涓埃有取伏乞先次頒降施行荅詔曰朕

言林一  
聞可則循否則革事不憚於改爲言之易成之難政或  
譏於欲速審而後舉爰示不刊自先皇帝已頒明命順  
攷古道作新斯人欲端本於朝廷首建官於臺省豈止  
百司之職守必也正名是將一代之典章無乎不在能  
事未畢眇躬嗣承懼墜先猷惕增夕厲勉圖繼述申命  
講求口曰法唐宜後先之一揆至於因夏固損益之殊  
途務折衷以適時合於今日累歲庶同乃繹僅有成書  
撥所先行用孚衆聽作室肯構第遵祇法之良若網在  
綱庶弭有條之紊自餘款備繼此施陳已革乃孚行取  
四時之信所由適治揭爲萬世之常凡在見聞共思遵

守翰林學士韓昉撰詔書曰皇祖有訓非繼體者所敢  
忘聖人無心每立事於不得已朕丕承洪緒一紀於茲  
祇適先猷百爲不越故在朝廷之上其猶草昧之初比  
以大臣力陳懇奏謂綱紀之未舉在國口以何觀且名  
可言而言可行所由卽事蓋變則通而通則久以用裕  
民宜法古官以開政府改號以責實效著儀而辨等威  
天有雷風詞命安得不作人皆顏閔印符然後可捐凡  
此數條皆因急務禮樂之備源流在茲期以必行斷宜  
有定仰惟先帝亦監微衷神豈可誣方在天而對越時  
由易偶若易地則皆然是用載惟殆非相反何必改作

蓋嘗三復於斯言皆曰可行庶將一變而至道乃從所  
議用創新規惟茲故土之風頗尚先民之質性成於習  
遽易爲難政有所因姑宜仍舊漸期脩効翁致大同凡  
在邇遐當體朕意其所改創事件宜令尙書省就便從  
宜施行

改燕京樞密院爲行臺尙書省 案趙元傳齊國廢置行  
臺省於汴又徙大名再徙祁州此殆自祁徙燕耳  
以奕爲平章政事 案奕宗室表無名集禮皇統元年上  
尊號侍中三員平章奕攝又五年九月平章奕攝中書  
令奉冊亦見勗傳與列傳名三寶者不同

省燕中西三京平州東西等路州縣 案地志三京州縣  
省併並無天眷之文多屬皇統元二三年事而紀下  
皇統年絕無此語其文乃見於此殆是年有詔至皇統  
始行之 又遼志析津府下有玉河縣檀州下有行唐  
縣金志無之地志薊州遵化縣注遼景州順州密雲縣  
注遼檀州皆不見改併年月又許亢宗行程錄云州原  
是石城縣金國新改爲清州地志灤州下亦不見改降  
文據此燕京獨無當屬史官脫略 又平州地志屬中  
都路文云天會十年徙軍帥司治遼陽貞元元年併隸  
中都 亦見習古乃  
王倫等傳 遼陽文下云十年改平州爲東南路

都統天德二年改本路則自天會壬子平州分東西路

至海陵天德庚午乃廢東路貞元癸酉併廢西路矣

奠獻於乾元殿 案地志上京注天眷元年更名皇極殿

下皇統三年三國使遙賀卽此

新宮成 案地志朝殿天眷元年建

二年己未 二月 當削 案正月壬午朔乙未乃十

四日

三月丙辰 三當作二 案三月辛巳朔安得有丙辰

以誅宗磐等詔中外 洪皓金國聞見錄宋兗諸王之誅

韓昉作詔曰周行管叔之誅漢致燕王之辟茲惟無赦

古不爲非豈親親之道有所未宏以惡惡之心是不可  
忍朕自惟冲昧嗣統口臨蓋由文烈之公欲大武元之  
後得之爲正義亦當然不圖骨肉之間有懷蜂蠆之毒  
皇伯太師宋國王宗磐族爲諸父位冠三師始朕承祧  
乃繫協力肆登極品兼縮劇權何爲失圖以底不類謂  
爲先帝之元子常蓄無君之禍心昵信宵人互爲姦黨  
坐圖問鼎行將弄兵皇叔太傅領三省事充國王宗雋  
爲國至親與朕同體內懷悖德外縱虛驕肆己之怒專  
殺以取威擅公之財市恩而惑衆力擯勳舊欲孤朝廷  
卽其所爲濟以同惡皇叔虞王宗英騰王宗偉殿前左

副點檢渾觀會甯少尹胡什刺郎君石家奴千戶朮孛  
離古楚等競爲禍始舉好亂從逞躁欲以無厭助逆謀  
之妄作意所非冀護其必成先將賊其大臣次欲危其  
宗社造端累歲舉事有期早露端倪每存含覆第嚴禁  
衛載肅禮文庶見君親之威少安臣子之分蔑然不顧  
狂甚自如尚賴神明之靈克開社稷之福日者叛人吳  
十稔心稱亂授首底亡爰致□□之徒乃窮相與之黨  
得厥情旨孚於見聞皆由左驗以質成莫敢詭辭而抵  
調欲申三省公議豈容不頓一兵羣兇悉殄於今月三  
日已各伏辜并令有司除屬籍訖自餘註誤更不躡尋

庶示寬容用安反側民畫衣而有犯□□欽哉予素服  
以如喪情可知也 案三王官封不合 宗磐傳作太保  
宗英傳作滕王  
宗偉傳 且宗雋難作宗磐傳中明言赦其弟劄魯補等  
九人則宗英宗偉不與此禍洪錄直載詔文不詳時事  
子邁容齋三筆同 又此詔紀傳皆不載故補  
烏達捕 捕當作補  
諸路廉問 當作廉問諸路  
三年 庚申 六月陝西平 案宋高紀是年閏六月癸  
宋十年 酉朔從紀上四月乙巳朔順至下七月癸卯朔得一百  
十八日中必有閏且據撒离喝傳六月敗宋兵於涇州

與宋紀閏月丙子犯涇州守臣曲汲棄城去事合則陝西之平的在閏月史文略耳

乙卯宗弼遣使奏河南陝西捷 案宋高紀紹興十年七月乙卯金人攻潁昌府岳飛遣將敗之壬戌飛以屢奉詔班師遂自鄆城還軍皆潰潁昌蔡鄭諸州皆復爲金有據此安得七月乙卯奏捷且計其遣使日又當在月初矣似爲史官失實曰否蓋撻懶植檜於宋宗弼陰持之且流言擬於河南再立少帝以劫制高宗故金牌急脚之召久已密謀聞之先期奏捷機事已露至次年畫淮時詭語龍虎阿魯保云檄書投宋月餘心神不甯及

聞酈瓊之論檜爲老儒自守不服喜爲知言等事皆此老設疑自秘終不說明善求者其合觀兩史哉

詔撫諭陝西五路 案睿紀宗翰傳同五路者指永興秦鳳熙河涇原環慶而言若酈延一路爲婁室所取者不煩撫諭

右丞相蕭慶 相字當削

爲右副元帥 此下當加是年宗強封衛王

皇統元年 辛酉 宋 十一年 正月辛丑朔高麗夏遣使來賀

案交聘表壬寅夏使請上尊號紀略

庚戌羣臣上尊號 集禮七日遣上京留守爽告天地社

稷析津尹宗強告太廟上公以太師宗幹太尉以裴滿  
胡塔司徒以平章昂攝中書令二員正韓企先外以待  
制昂攝侍中三員平章奕左丞昂左宣徽劉筈攝右丞  
蕭仲恭攝門下侍郎參政李德固攝中書侍郎銀朮可  
等四員攝中書舍人趙端甫二員攝給事中

戊午上親祭孔子廟 此上當加三月 孔璠 案宋高紀

三月庚子朔此乃十九日張賁東京記云掘地得斷碑  
有下瞰臺城儒生盛於東觀十字皆漢文字畫莊楷蓋  
國學碑也與此事合地志失載

退謂侍臣曰 至 不可不勉 四十四字又見禮志及孔璠

傳文小異

自是頗讀尚書論語 孔璠傳有左氏傳諸史通歷唐律

紀王宗強薨 紀當作衛 表傳

兼侍中 此下當加太保 宗弼

二年 壬戌 宋 命伐高麗 當作加封高麗 表傳

宋使曹勛 曹勛當作何鑄 表及宗弼

壬辰以皇子生赦中外 案會編元帥第七書今年二月

二十四日赦罪集禮二十八日紀壬辰與集禮合

遣左宣徽使劉筈以衮冕圭册册宋康王為帝歸宋帝母  
韋氏及故妻邢氏天水郡王并妻鄭氏喪於江南 筈

下當加禮部尙書宗表 歸上當加左副點檢賽里都  
轉運使劉禔等 宋高紀紹興十二年金遣完顏宗賢  
劉禔護送梓宮高辰安護送皇太后來

戊午立子濟安爲皇太子 集禮三月十七日命左丞昂  
告宗廟都點檢常勝告天地社稷就赴慶元宮行禮并  
差待制高士談攝太常卿提控祭告禮儀給賞吏部尙  
書充都點檢常勝與特進賜誥太傅宗弼銀絹二百兩  
匹讀誥丞相韓企先總領裁定禮數平章昂平章奕一  
百五十兩匹

丙寅 此上當加四月 案上文戊午集禮爲三月二十

五日又宋高紀四月甲子朔此爲三日

十二月 此上當加宋遣使謝封册誓詔 案上文三月

止載劉箬脫去宗表賽里劉禔等五月乙卯賜宋誓詔

使人不書姓名下文十二月止書庚午宋遣使謝歸三

喪及母韋氏漏去十一月兩謝册詔以兩使作一使似

宋竟不報謝封册誓詔者其果然乎攷宋高紀紹興十

三年八月万俟卨九月王次翁

洪适隸釋三公山碑後  
云先公太師以使事爲

北方所留紹興癸亥政地王次翁使至燕先公兩報謝  
隔垣牆與驛中人語爲覘者所得卽此使時事 使不言何事兩傳亦無明文李心傳繫年要錄云一爲

正使參政万俟卨副使防禦邦孝揚一爲正使參政王



次翁副使節度錢愜會編云金人送梓宮及太后来使副十一人且併次翁孝揚二使爲一事凡皆爲國諱也。要之万俟一使斷爲謝封册誓詔者蓋筭以一人兩使高亦一人兩謝耳。此諱在宋人宜然而紀文亦上脫下漏抹去謝使令人不解。夫金人尙夸詞在實錄必當全書。紀皆如此豈圭齋故南人爲前朝惜名分耶。今攷補之如此。又會編紹興八年云先是上幸海道得開圖書匠舒通能刻金銀銅鐵圖書取鏤塵白字上喜之。鑄金爲印令刻白字爲璽。由是士大夫皆用白字圖書。至是遣使來有鑄金成寶文曰御前之寶乃白字也。舒通

之刻豈偶然耶。案此金寶卽金人册宋康王之一物。會編不載於此年而預記於張通古詔諭使中亦諱筆也。

三年癸亥宋

五月丁巳朔

此上當加閏月癸巳月

掩軒轅左角

天文志

又當加置黃沁都管勾

地志

庚辰太原路進獬豸并瑞麥

五行志作丙寅

謚太皇太后曰欽仁皇后

集禮八月翰林待制高士談

撰謚册文

日有食之

此下當加改葬陳王希尹追贈儀同三司邢

國公

本傳

四年甲子宋

十有二莖莖皆七穗

八字當削

案

與五行志複

五月辛亥朔次薰風殿 案上二月下九月皆云上如東京中間無至自東京語卽此次殿是也地志上京路注有薰風殿

九月乙酉 當作己酉朔 案上六月辛巳朔順推得

十月 當削 案下文乙卯辛酉癸酉皆在九月

十一月壬辰 一字當削 案下文甲辰地震五行志尙

云十月

至東京 此下當加是歲始定始祖以下十帝陵號

世紀

五年乙丑 宋 初用御製小字 案集禮皇統元年賀

表云代上古結繩之治造金人合契之書至此年始頒

用

十月辛卯增謚太祖 十下當加一 案禮志云三日

閏月 案禮志云是歲閏十一月宋高紀同

丁巳赦 此下當加是歲罷遼東漢人渤海猛安謀克承

襲制

兵志

六年丙寅 宋 殺宇文虛中及高士談 案中州集士

談有丙寅刑部詩卽此

以許王破汴睿宗平陝西鄭王克遼及婁室銀朮可皆有  
大功並爲立碑 二十八字當改作許王宗望破汴冀

王宗輔平陝西鄭王幹魯克遼及莘王婁室蜀王銀朮  
可皆有大功並爲立碑 案許王指宗望鄭王指幹魯  
破汴不止宗望尙有宗翰克遼不止幹魯尙有斜也宗  
幹據宗翰是時或以陰謀不錄而斜也宋幹何緣被削  
且有功如婁室銀朮可者尤不止此兩人豈此五人外  
餘皆已立碑耶殊不可解諸傳皆不載立碑事然攷大  
定詔書云其未立碑者立之卽今婁室一碑巋然故在  
東海上事非無稽矣文內不稱伐宋而稱破汴者良爲  
睿宗平陝西故也此錄蓋進於大定史臣之手并冀王  
字亦追改之又婁室銀朮可亦受王封今俱失載未免

義不該而文不備故改訂之如此

七年

丁卯 宋十七年

翰林侍制邢具瞻

中州集有詩卽撰

天眷三年九月駕幸燕京導引曲者見樂志

高鳳廷 集禮皇統五年增謚太祖六月二十九日差吏

部員外郎高鳳廷造匣蓋牀卽此

行臺右丞相劉筈右丞蕭仲恭爲平章政事 案筈傳不

載

八年

戊辰 宋十八年

以左宣徽使稟爲尙書左丞

案海紀

天德元年十二月罷非韓州刺史名尙者

九年

巳巳 宋十九年

隨辨入室宮門 室元作至是

改葬於峨眉谷仍號思陵 周必大思陵錄淳熙十五年十二月癸酉諜報金人制曰朕惟熙宗孝成皇帝以武元嫡孫受文烈顧命作其卽位十有五年偃兵息民中外安乂而海陵庶人亮包藏禍心覬覦神器陰煽奸黨遂成篡逆而又厚加誣詆降從王封亮既得志肆其兇殘不道之極至於殺母神怨人怒自底誅滅惟皇天眷佑於我家肆予一人纘承先緒暴其罪惡貶爲庶人仍黜其殯於兆域之外仰惟熙宗位號宜正是以間者稽合禮文升祔太室復加美謚尊而崇之惟是葬非其所蓋嘗憮然爰命有司卜地涓日奉遷梓宮於十月初八

日備禮葬於思陵庶幾有以慰在天之靈也大定二十八年十一月日熙宗卽宣也 案此制紀不載故補注之

贊 馴致其道 道北作禍

卷五

海陵紀

年十八 八當作九

拜尙書右丞 右當作左

熙紀

拜平章政事 此下當加封岐王 案世宗紀大定二十  
年上曰岐國用人禮志十九年詔岐國王亮海陵后傳

初封岐國妃合喜傳詔曰岐國失道張仲軻傳封岐國王

十一月拜右丞相 熙紀十一月辛丑爲左丞相十二月乙卯爲右丞相

天德元年

己巳 宋紹興十九年

會編皇統九年十二月二十日

登位改元赦尚書省牒刑部門下朕惟太祖武元皇帝神武應期奄有四海以公存心天下大器授於太宗文烈厥代不忘先遜憑几宣命屬之前君以繼洪業十有五年而昏虐失道人不堪命宗族大臣叶心救之久而弗悛遂仰奉九廟之靈已從廢黜亦既殂殞宗族大臣

咸以太祖經營締構所由垂統推戴眇躬嗣臨天下朕以宗社之重義不獲已爰於受命之初兢兢若淵冰未知攸濟尚賴股肱三事文武百寮同心輔翼以底於治宜布惟新之令以宏在宥之恩可從皇統九年十二月十一日改爲天德元年於戲嗣守丕基休於宗祏永綏繇宇尚軫黎元咨爾多方體予至意 案紀不載故補爲尚書左丞 此下當加戶部尚書張浩爲參知政事本傳追諡皇考 集禮二年正月興聖宮行禮以太師勗充奉册寶大禮使

二年

庚午 宋二十年

正月辛巳

此下當加以名諱告諭宋

高麗夏國表

癸巳尊嫡母徒單氏及母大氏皆為皇太后 集禮直學

士劉長言撰冊文禮部員外郎王競篆寶 案癸巳乃

正月十五日集禮作二十五日誤

羣臣上尊號曰法天膺運睿武宣文大明聖孝皇帝 睿

武宣文當作睿文宣武 集禮

三月丙戌宋高麗遣使賀即位 十二字當削 案宋高

紀是年三月丙戌始遣賀即位使紀文不合亦書是日

斷係史官率錄宋史以致譌及宋交聘表并譌及高麗

交聘表

周本國王 本已作宋與元本合

六月丙午朔高麗遣使賀即位 高上當加宋 見上

參知政事張浩丁憂起復如故 案金國聞見錄云凡丁

家難者不以文武高下未滿日皆差海陵貞元元年十

月命父母喪聽假三日著令章宗泰和五年制司屬丞

凡遭父母喪止給卒哭假為永制此紀下文三年蕭玉

正隆元年僕散師恭三年李通同假三日世宗紀大定

六年石琚四十五日紇石烈良弼起復如故章紀承安

元年夾谷衡二十日六年僕散端七十六日大抵朝廷

要職紀載如此至隨朝幕職州縣官皆聽其解官行服

傳載不等略與宋同

以禮部尚書蕭裕為參知政事 裕元作玉與本傳合

九月甲午立惠妃徒單氏為皇后 集禮九月二十一日

甲午詔立后令有司擇日備禮施行侍讀劉長言撰冊

文禮部員外郎王競篆寶至十月九日始行冊禮 案

紀及后傳但據下詔月日故與禮志受冊月日不同

尚書左丞相劉筭罷 左元作右是

乙丑命庶官 乙元作已是

詔去羣臣所上尊號 案交聘表三年九月夏使請不去

尊號紀略

三年

辛未 宋二十一年

為宋生日使 宋上當加賀

上命徒單貞

至

乳里罕妻宮中

乳北作乳

罕已作等

六十四字當改作上納宗本子莎魯吸妻等於宮中

案文與諸嬖傳複

杖壽甯縣主徐輦 諸嬖傳作什古

四年

壬申 宋二十二年

二月丁卯立子光英為皇太子

集禮

二月二日受冊命學士劉長言撰冊文直學士施宜生

書篆冊寶平章徒單恭告天地平章蕭裕告宗廟左丞

相思忠攝太尉右丞相大臬攝司徒充冊使副蕭裕攝

侍中奉寶讀寶參政蕭玉攝中書令奉冊讀冊

迪輦阿不者蕭拱也 八字當削

恭之兄定哥 至而并罷恭 四十五字當削 案文與徒

單恭傳複

貞元元年 癸酉 宋二十三年 二月庚申 此下當加朔

僕散師恭 師已作思

西京兵馬 此下當加都監

持环校 當作持杯琫

十二月 此下當加乙卯朔 案天文志乙卯不云朔今

推得

太白經天 案紀在閏月癸巳日下天文志作乙酉

蕭懷忠 懷忠當作好胡

二年 甲戌 宋二十四年 張暉 本傳作赤蓋暉

蕭好胡 此下當加賜名懷忠

丙戌幸大興府 此下當加四月 案上文二月甲申朔

則丙戌不得繫三月下

遣薦含桃於衍慶宮 此下當加辛卯以工部尙書耶律

安禮等為賀宋生日使 案此据交聘表至安禮傳云

冬為歲元使非也攷胡礪傳即得

蕭蹟 蹟北作頤 案頤天德二年使宋見交聘表即作

西湖行記者



十一月戊辰上命諸從姊妹至裸逐為戲是月初置惠民局高麗遣使謝賜生日四十九字當改作十一月戊辰高麗遣使謝賜生日是月初置惠民局案交聘表高麗謝賜在戊辰日此紀戊辰謝賜本自連接為海陵記注原文無緣中間濫入他事且臥內裸逐可限以日乎此必大定史臣迎合竄入者更雜置惠民局一事以彌縫之而痕跡益露又興定末賈益謙有言自海陵被弑世宗大定二十餘年禁近能暴海陵蟄惡者輒得美仕故當時史官修實錄多所附會在海陵固為下流之歸而鄭子聃輩不得辭其責矣

三年乙亥宋蕭曠曠北作頤曠以左司郎中李通為賀宋生日使通下當加等僕散師恭師北作思册謚永甯皇太后曰慈憲皇后集禮十月侍講學士胡礪撰謚議翰林學士施宜生撰謚册文禮部侍郎王競篆寶木冰木上當加雨志本北作薦非正隆元年丙子宋羣臣奉上尊號曰聖文神武皇帝集禮貞元三年十一月太師思忠等上表奉上奉天崇運至孝大明淵謀睿斷聖文神武之號蒙諭從上省

去十二字餘從所請

庚辰御宣華門觀迎佛 法苑珠林降胎部引瑞應經云  
太子四月八日夜明星出時生又佛所行讚云於三月  
八日菩薩從右脇生過去現在因果經二月八日夫人  
往毘藍尼園見無憂華舉右手摘從右脇出今謂世代  
既遙譯人前後直就經文難可論辨攷求外典如似可  
見春秋云魯莊公七年卽周莊王十年四月辛亥恆星  
不見星隕如雨檢內外典以四月爲正也 案此庚辰  
乃二月八日周正之四月卽今之二月故遼志云二月  
八日爲志達太子生辰金承遼俗亦以二月八日觀迎

佛卽於是年十一月癸巳禁之至章宗永安四年二月  
庚午復行此事紀載止此而契丹國志仍書四月八日  
松漠紀聞載生日佳辰亦云四月八日此殆承宋俗故  
也又珠林納妃部引因果經云太子年大父王勅下餘  
國卻後二月八日灌太子頂皆可來集又出家部引因  
果經云爾時太子心自念我年已至十九今是二月復  
是七日思求出家今正是時然紀文止云觀迎佛耳與  
遼志生辰義別其爲降胎納妃出家皆無不可

庚寅 案甲辰後已巳前安得有庚寅必有譌

二年 丁丑 宋

追降景宣皇帝爲遼王 世紀補作豐

王

温敦幹喝 幹北作幹非已改正

初禱銅錢 禱元北並作鑄是

十二月辛未 二當作一 案下文又有十二月

高助不古等 案史中如太祖紀大藥師奴世宗紀盧萬

家奴李蒲速越五行志高柴刺兵志張那也宇文虛中

傳杜天佛留高彪傳召和式高楨傳馮僧家奴李石傳

雖訛只完顏福壽傳張謀魯瓦等皆以漢姓而用木名

者 趙氏陔餘叢攷內地人作蒙古名亦此例

三年 戊寅 宋 子矧思阿不死 子上當加皇 死當

作藁

戶部尚書李通 戶當作吏 本傳

遷中都屯軍一猛安於南京 一當作八 案曹望之傳

詔賈牛萬頭給按出虎八猛安徙居南京者移刺慥阿

魯罕傳同

四年 已卯 宋 雖親老丁多 多當作單

為賀宋生日使 案宋高紀是年閏六月自上文三月丙

辰朔順數至次年正月庚辰朔得三百二十五日中必

有閏

祈宰 祈當作祁

五年庚辰 宋三十年

宿州防禦使耶律翼

此上當加翰林

學士施宜生使宋泄機事烹死本傳

見田間穫者穫北作獲非

步軍都指揮使都下當加副

六年辛巳 宋三十一年 癸丑命參知政事李通 丑元作巳是

案命通諭宋使語又見通本傳

習泥此下當加烈充傳

僕散師恭師北作思

白彥恭彥恭即彥敬

完顏毅亨亨已作英

殺右將軍蕭禿剌右下當加衛

徒單合嘉嘉已作喜與元本合

敗宋兵於蔚子橋蔚阿鄰傳作渭

猛安韓棠棠當作常

宋人攻秦州臘家城德順州克之克當作陷表

完顏元宜等完顏當作移剌傳

使小底妻室妻元作婁是

乃詔降為海陵庶人案世宗紀在大定二十一年正月

此紀略

卷六

世宗紀上

諱雍 此下當加初諱褒更 集禮大定九年正月省奏  
檢討到唐會要云古不諱嫌名若禹與雨是也後世廣  
避故諱同音別無迴避相類字典典故今御名同音已經  
頒降迴避外有不係同音相類字蓋是誤犯只合省論  
各從正音餘救切二十八字係正字同音合迴避尤救  
切十六字不係同音不合迴避勅旨准奏 案此名迴  
避字不概見特不可因十四年三月更令後竟削初名  
天輔七年癸卯歲生於上京 歲下當加三月一日 張  
棣正隆事跡云褒乃太祖第三子潞王宗輔之子亮之

從弟名褒字彥舉乙巳三月一日寅時生小字忽辣馬  
卽位後改名雍 案事跡作乙巳生則在太宗天會三  
年矣非也攷習不失傳得之

自長安率兵 長當作常 案常安見上文卽地志東京

瀋州挹婁縣諸嬖傳葛温官常安令卽此

改元大定

辛巳 宋紹興三十一年

下詔暴揚海陵罪惡數十事

神麓記亮初刷國中女真五國烏熱鐵黎勃海契丹漢  
兒軍自備衣甲鞍馬弓箭刀槍軍需餼糧車牛奴婢遠  
來沿邊道途艱辛不肯前行皆共謀曰皇帝無道遠犯  
南朝未知勝負難以歸國我等豈能就作失家之鬼乎

不若從此就近徑往東京與勃海酋豪冊立留守葛王  
爲主衆云亦是太祖武元之孫有何不可於是歲十月  
間入東京留守府求見大王才出廳事盡呼萬歲既卽  
位乃下詔曰前皇帝乃太祖嫡孫受文烈遺命嗣膺神  
器十有五年內撫外甯近安遠至雖晚年刑戮過甚而  
罪不及民前岐國王亮位叨宰相不思盡忠匡救敢行  
篡弑自僭竊以來昏虐滋甚是用列其無道昭示多方  
一前皇叔元帥曹國王自先朝以親賢當任止因篡位  
之初自懷恐懼無故殺害一前來太宗受太祖遺命不  
忘至公傳位前君諸子並當職任止因篡位懷懼將太

宗子太保國王阿魯中京留守胡里不留守阿里刺宗  
正胡里嘉滕王胡沙霍王胡束鄆王神徒馬蔡王烏也  
八人子嗣等七十餘口並以無罪盡行殺戮一開國功  
臣晉國王孫領行省楚國王阿辛止因篡位疑懼將阿  
辛兄弟子嗣三十餘口及駙馬丞相斡古刺宗室海州  
刺史等五十餘口並以無罪殺戮一左副元帥國王撒  
海累建功勳止因篡位之初自懷疑懼計構遙設以白  
罽書假令宮外拾得令其誣告并其子御史大夫沙只  
并子孫三十餘口及太祖親弟遼越國王男平章孛古  
弟兄子姪一百餘口兵部尙書毛里弟兄子嗣二十餘

口太王太妃并子任王喂阿並以無罪殺戮一太祖長女公主兀魯哥係曹國王親姊因篡位無故殺害一故西京留守蒲馬甲爲是至親自懷疑懼無故殺害一開國功臣皇叔太師長子韓王臨民清正忌其聲譽令家人誣告勘問不承故意殺害一應係開國功臣祖宗時已經封贈王爵無故盡行追奪一會甯府係興王之地所建宮殿無故折毀一中都大內營造殫竭民力又復折毀南京大內再行修蓋窮奢極侈土木之功前所未有一因伊小兒病死卻將乳母并二醫人盡行誅戮一宋國講和之後臣禮不闕頓違信誓欲行吞併醫人陳

諫更不循省便行誅戮一皇叔曹王殺後嬪母國妃納於宮中及姊妹姑姪等并應命婦有容色者恣行烝淫一亡遼豫王子嗣三十餘口天水郡王子嗣一百餘口並以無罪橫遭殺戮一嫡母太后曾言不可南征手自賊殺其大逆無道古今未聞一德宗嫡孫節度使母妻子弟并太師國王兒孫婦曹王次夫人并子及韓國夫人并兒孫婦等並以無罪盡行誅戮一樞密使北京西京留守因北征回並加族誅宰相亦被鞭撻其餘過惡不可備舉前錄數條稔於聞見遂致天怒人怨眾叛親離朕方留守東京遵養時晦四方豪傑將士吏民咸懷

怨苦無所控告自遠而至者數十萬眾日來赴愬再三  
敦請不謀同辭咸以太祖皇帝嗣孫止予一人慙數有  
歸不期而會朕推誠固讓至於再三請者益堅辭不獲  
已俯徇羣情勉登大寶臨御之始如履春冰宜推肆眚  
之恩以布維新之令大赦天下改正隆六年爲大定元  
年十月八日昧爽以前除殺祖父母父母不赦外罪無  
輕重已結正未結正已發覺未發覺咸赦除之內外大  
小職官並與覃恩仍委尙書省條奏施行  
詔遣移刺札八 宋孝紀紹興三十二年十月甲申契丹  
招討蕭鷓巴來奔卽此人

使後家奴等 後當作石 案阿瑣傳璋傳並作石元本  
誤石爲后明人復改后爲後

追尊皇考幽王爲皇帝 案世紀補封潞冀許三王不封

幽

羣臣上尊號曰仁明聖孝皇帝 集禮上尊號十二字止  
受四字

李柔立死之 此下當加窩幹攻臨潢尹溫迪罕移室懣  
被執死之本傳

十二月 此下當加甲辰次海濱縣神土 懣傳  
二年壬午 宋 振賜山東百姓粟帛 東下當加臨潢



蘇保  
衡傳

前戶部尚書梁球 族帳部曲錄廣甯府人石琚榜及第

亮時為戶部尚書葛王立復為戶部極有才 案球亦

作錄紀傳錯見未知孰是

壬子以太保左領軍大都督奔睹為都元帥 案紀失書

人見日

詔降蕭玉敬嗣暉許霖等官 霖下當加高懷貞本傳

平章政事移刺元宜 移刺當作完顏傳

溫敦朮突刺等與窩斡戰敗於勝州 勝上當加東 案

東勝州地近西夏突刺此兵以防契丹兵西突耳與思

敬屯駐同故窩斡傳不載

以右丞相晏 右當作左

紇石烈志甯為元帥左監軍 左元北並作右是

右副元帥庚寅 當作庚寅右副元帥

契丹老和尚降 案窩斡傳有兩老和尚此為五院部人

那也

元帥右都監徒單合喜 右元作左

元帥右監軍徒單合喜等 右元作左

十二月 此下當加辛未以吏部郎中完顏達吉不體究

陝西利害 交聘表  
西夏傳

詳文一紀

三

廉察宣諭東京北京等路 此下當加詔頒新定官制

北使錄大定二年十二月詔書略云建官咸則於三代分職仍總以六卿宣化邇遐服采內外舉高以敘各位有倫舊式參差理宜增換冗散者并其任繁劇者益其聯悉命司存革從允當其新定官制令尙書省鏤板施行 又當加是歲復遼王爲景宣皇帝

集禮

三年 癸未 宋孝宗隆興元年 庚寅高麗夏遣使來賀萬春節 案

庚寅乃二月二十九日此兩國使臣到闕日也其實賀節在三月壬辰朔下五年六年同

魏子平等九人 九當作七 案曹望之傳魏子平李滌

李愿移刺道完顏兀古出夾谷阿里補及望之止七人以太子詹事完顏守道 此下當加拜參知政事兼太子

少保

本傳

河南路都統奚撻不也叛入於宋 卽宋賜名蕭琦者攷異云

宋人攻破宿州 清波雜誌云隆興改元夏符離之役王師入城點視府庫金有一千二百兩銀二萬兩絹一萬二千匹錢二萬五千貫米豆共六萬餘石布袋十七萬條見符離記卽此

六月庚申朔日有食之 集禮大定三年六月一日日食

尚書省奏請依舊典故太陽虧蝕有司預奏皇帝不視事百官各守本司不治務過時乃罷自後以為常式

為襲封衍聖公 此下當加甲寅詔市馬夏國表

癸巳 此下當加九月 案據交聘表文又下文丁酉為

重九日知九月己丑朔癸巳乃五日

九月丁酉 九月當削

十月 此下當加壬戌增上睿宗尊諡集禮

十二月丁丑臘 集禮三年十二月二十一日臘享命平

章事元宜攝太尉參政石琚攝司徒

以為尚書右丞 此下當加是歲山東河南陝西始徵軍

須免役錢 食志

又當加都元帥太保昂薨 本傳

四年 甲申 宋二年 罷路府州元日及萬春節貢獻 集禮勅

旨隨處府州軍供納正旦生辰禮物并運司每貢正旦

生辰禮物綾羅三千三十段今後並行免進

宋之失信 之北作人非

二月丁巳 此下當加朔

十月癸亥朔 亥已作丑

張宏信等二十四人 案食志云十三人乃專數正使紀

則兼副言也

五年 乙酉 宋 乾道元年 正月辛亥朔 亥北作卯非

三月戊申萬春節 三月當削 案此亦賀使到闕日也

上文正月辛亥朔則戊申尚屬二月

壬申羣臣奉上尊號曰應天興祚仁德聖孝皇帝 此上

當加三月 集禮大定五年正月表上應天興祚仁文

義武聖明至孝至三月始改應天興祚仁德聖孝至明

詔去至明二字七年正月始行受冊禮

十二月己丑 此下當加臘

高麗遣使賀尊號 此下當加甲辰 案紀例高麗西夏

賀貢謝別使即隨正旦生辰使同至每先一二日入見

六年丙戌三月壬寅 三月當削 案表三月甲辰

朔則壬寅尚屬二月乃使人到闕之日也

甲寅 此上當加三月

次涼陁 揚伯雄傳涼陁徼巡果有疎虞即此

七年丁亥受尊號冊寶禮 集禮六年十月九日翰

林直學士張景仁撰冊文禮部侍郎劉仲淵書篆冊寶

七年正月八日遣皇子大興尹許王告天地判宗正英

王文告太廟右丞相良弼奉冊禮

越王永中進封許王 當作許王永中進封越王本傳

監修國史 史北作使非

十一月乙丑朔 玉海乾道二年夏日官以紀元歷推得

丁亥歲十一月朔值甲子有裴伯壽者言統元歷推是朔當進作乙丑於是改而正之 案此朔為大明歷不用紀元之始

八年 戊子 宋四年 行皇太子册禮 此下當加改賜名允恭

本傳 集禮翰林侍講張景仁撰册文禮部侍郎劉仲淵

篆寶太子坐金麒麟金浮圖交椅金鍍銀栲栳圈靠背

己巳以引進使高希甫為下國生日使 己巳表作丁卯

上嘗命左衛將軍大磐 至 出磐為隴州防禦使 六十三

字當改作出左衛將軍大磐為隴州防禦使 案文複

見大磐傳

及命圖畫功臣於太祖廟 及當作又 日未之謂

九年 己丑 宋五年 詔改葬漢二燕王於城東 中州一卷蔡

珪有辨是也

移刺道廉問山東河南 此下當加河北 案本傳有景

州刺史濟州司侯真定縣令等皆屬河北路

提點司天臺馬貴中為高麗生日使 此上當加丙辰 表

有攬中官物 中官當作官中

辛丑獵於近郊 丑下當加臘

十年 庚寅 宋六年 閏月庚辰 庚辰當作乙未 表

為賀宋生日使 此下當加丙戌宋遣使來祈請詔不許

表

與盜宮中物論同 論同北作同論是

十一年辛卯 以天水郡公旅櫬依一品禮葬於鞏洛

之原 宋史趙雄傳七年雄至金金世宗謂曰汝國捨

靖康帝靈柩而請鞏洛山陵何也如不欲靖康帝之柩

我當為汝國葬之是也

高麗國覲 此上當加丁卯表 覲元作覲是

徒單合嘉薨 嘉當作喜

已巳以尙書刑部侍郎 案下文夏生日使表云丁卯此

在丁卯前則非已巳也當為丁巳或已未之譌

近侍局使 此上當加丁卯表

癸巳羣臣奉上尊號曰應天興祚欽文廣武仁德聖孝皇

帝 集禮十月五日太尉李百表請南郊議上尊號不

允十一月二十一日復請之學士張景仁撰册文待制

王彥潛篆寶

以習為政 此下當加丁卯高麗表求封册表

卷七

世宗紀中

十二年壬辰 河北河東山西陝西 山西元作山東

是

官長不法 官長當作長官

遣使來賀 此下當加夏使賀尊號 表

以陝西統軍使璋 使北作奴非

癸丑獵於近郊 丑下當加臘

十三年 癸巳 宋九年 三月癸巳朔萬春節 集禮閏正月十

三日奏請自來萬春節止斷屠宰一日今檢到宋會要

承天節禁屠七日乾元節三日今請萬春節禁斷三日

從之 案上文六年四月詔月朔禁屠宰十二月詔每

月朔望上七日毋奏刑名八年十月命山陵以朔望致

祭朔則用素望則用肉而此禁屠三日不書者紀略也

六月 案禮志六月二十三日奉安昭德后廟主紀略

以宿直將軍胡什賚為夏國生母使 胡什賚表作崇肅

乃涉十四年文譌紀表二十一年八月胡什賚賀宋生

日宋孝紀作完顏寔或疑胡什賚即崇肅一人二名非

也此人不見於宗室表與宗固子同名乃別一人

十一月 此下當加甲午 表

十四年 甲午 宋 淳熙元年 甲辰上更名雍 集禮三月四日禮

部尚書張景仁進入更名典故五日宰臣奉勅旨檢擬

字樣十一日奏定於容切字命學士撰詔制曰天子之

名貴難知而易避人君之德當寬御以簡臨以其字有

於協音是使語涉於觸諱若因循而不改則過誤以誰  
無朕甚憫焉期無犯者今更名仍令所司擇日告天地  
宗廟社稷五嶽其舊名更不須迴避布告中外咸使聞  
知

戊子以樞密副使 子當作寅

甚如有疾 甚元作其

十五年

乙未  
宋二年

正月

此下闕

七月

案紀文自正月至

六月並闕今據志表傳等文攷補十三則於後

甲申朔 宋史歷志乾道九年局官言乾道十年頒歷十

二月已定作小盡十一年正月一日注癸未朔畢是月

崇天統元二歷算得甲申朔紀元乾道二歷算得癸未  
朔今乾道歷正朔小餘約得不及進限四十二分是為  
疑朔更攷日月之行以定月朔大小推之當是甲申朔  
今歷官弗加精究直以癸未朔注正月切恐差誤請再  
推步於是俾皇甫繼宗監視皆以是年正月朔當用甲  
申十年十二月合作大盡請依太史局詳定之 案宋  
乾道十一年即改元淳熙二年為世宗是年乙未歲紀  
上七年十一月乙丑朔金人已不用紀元法況於十三  
十四兩年日食加時先天之後乎則此朔與宋同無疑  
宋夏遣使來賀 案交聘表宋使蔡洸趙益夏使李嗣卿



白慶嗣至於高麗是年王皓被趙位寵之亂所遣生日  
回謝橫賜回謝賀正旦進奉萬春節等使皆阻不通故  
不書

詔五品職事官謝見皇太子 案顯宗紀當在正月  
上如安州春水 案趙興祥傳安州春水召赴萬春節傳  
不言月亦不知還都何日

新宮成 案曹望之傳及下文九月幸新宮云云知當成  
於是月如再遲或違農作矣又此宮當爲城北離宮初  
名太甯 十九年五月戊寅後更甯壽安 二十一年四月  
三年四月壬戌二十六年四月己未二十八年三月至  
甲寅二十九年七月甲戌明昌二年四月辛卯並幸

明昌二年四月庚子改名萬甯宮者地志云十九年建  
譌

三月壬午朔始朝日 禮志朝日儀大定一年罷是年言  
事者謂今正旦并萬春節宜定拜日之禮有司奉勅以  
月朔拜日宜遵古制殿前東向拜詔姑從南向 案史  
例雜儀不入紀此已廢而復舉者宜書重其始也

萬春節宋夏遣使來賀 案宋孝紀淳熙元年十二月壬  
戌遣吳琚等賀金主生辰夏必同交聘表亦失載

册長白山神爲興國靈應王 案禮志三月奏定封册儀  
物遣使詣會甯府行禮 王寂拙軒集有送張子固奉

命封册長白山詩卽此

四月丙寅月食勅有司今後每遇太陽太陰虧蝕並免朝

參 案集禮四月十五日勅旨

戊辰大享於太廟 禮志三月戊申奏安武靈皇帝及悼

皇后前期一日奏告於太廟十一室至四月十七日夏

享太廟同時行禮 案紀上三年奉安睿宗行奏告禮

紀例不書止書十月大享因仍之

五月上如金蓮川 案烏古論元忠傳今夏幸景明宮紀

下九月戊子至自金蓮川攷金人上陞率於五月故書

七月丙申高麗奏趙位寵亂路梗不通請由定州入許之

案見交聘表

以南京留守王蔚為參知政事 案王蔚傳拜參政懇辭

不許紀下十七年十一月罷而傳止書年不可以月

武靈時 當作海陵時

左丞相言 言當作辯

言及可喜等 言當作辯

皇姑梁國公主 公上當加大長

十六年 丙申 二月庚寅皇子瀋王 二月當為丁丑

朔 莊嚴 瀋當作幽 永成

三月丙午朔日有食之是日萬春節改用明日 集禮十

五年四月十五日勅旨今後每遇太陽太陰虧蝕並免朝參十六年三月萬春節職事官進到銀香合奉勅旨四品以下官並三品以上官依例交納

四月 此下當加大享於太廟禮志

山東兩路蝗 當作中都河北山東陝西河東遼東等十路旱蝗 案此據五行志文改訂然下文十七年免租

稅十路有西京無中都十八年再免有河南無西京皆不盡合

十七年丁酉三月辛丑朔宋高麗夏遣使來賀 朔宋四年下當加萬春節 賀下當加以雨罷 歸潛志大定十

七年三月朔萬春節諸國使人入見而大雨作大宗伯

張公問郭子通曰禮當何如子通曰哀公問孔子曰諸侯朝於天子而不得見者有四雨露服失容一也張公

曰此非使臣之事子通曰彼國主之來尚不得見況其臣乎少頃有勅放朝士大夫服其知禮案郭子通神道碑李晏撰

大雨河決 此下當加白溝志

八月 當為戊辰朝三清觀鐵盆記壬申以監察御史 此下脫人名

朕甚惡之 惡之元作不取是 付烏古里石壘部蓄收 收當作牧

方許承襲 此下當加已卯祫享於太廟志

十八年戊戌 宋五年 正月丙申朔 案是年上拜日於仁政

殿始行東向禮紀略

壬戌如春水 案下文石城玉田皆有行宮時未立名故  
不書地

次管莊 莊當作莊

為橫賜高麗使 高麗當作夏國 案表下有謝使

及烏古里石壘部轉戶 案上文十七年正月西北路契

丹民戶其嘗叛亂者已行措置此指濟州見唐括安禮傳其不與叛

亂及放良奴隸可徙烏古里石壘部令及春耕作十月

以羊十萬付烏古里石壘部蓄牧其滋息以予貧民即  
此所賑之轉戶也十九年賑西南部民亦是

十月庚寅朔 宋歷志淳熙五年金遣使來朝賀會慶節

表正使張九思 副使宗室崇蕭妄稱其國歷九月庚寅晦為已丑晦接

伴使檢詳邱密辨之使者詞窮邱密傳同案太宗紀天

會十三年正月丙午朔宋作乙巳朔昭德后傳大定十

九年十一月甲寅宋作乙卯朔此兩朔難詳也世宗紀

大定七年十一月乙丑此宋依金朔十五年正月甲申

此金同宋朔至太祖紀天輔元年十二月遼致甲寅朔

宋作戊申非哀紀天興二年九月癸卯朔宋作壬寅是

此兩紀互有刊譌皆與此不同攷是年宋孝紀十月辛卯朔下仍書辛亥金使賀生辰夫辛亥乃金朔之二十日校宋朔光一日自為會慶正節宋辛卯朔以壬子為正節則金使仍不改金朔矣宋史志傳未免夸詞又攷能改齋漫錄云神宗元豐元年戊午閏正月而遼國閏在十二月議者以兩朝賀正為疑臺臣言正朔為大賀正為小兩閏不同不過本朝之使先期賀正於彼彼國之使後期賀正於此料彼必不肯改以就此則本朝亦豈得改而就彼乎據此則知兩國使人各用本國閏朔固舊例也又攷玉海云淳熙五年推九月庚寅晦北使來賀

會慶節者仍已丑晦也卽此近間趙承元何故再任間元作問是

除名而復用也復元作後非至十二日皆開天文志同

十九年已亥已酉以升耐閱宗此上當加戊申有

事於太廟世紀補二宗樂志

癸未還都都北作郡非

二十年庚子詔有犯罪有元作月非

詔徙遙落河移馬河兩猛安兵志在二十一年三月

已亥河決衛州案河志不言何月下文有秋霖暴漲必

不在冬季水涸之候紀書於十二月似譌

辛丑獵於近郊 丑下當加臘

卷八

世宗紀下

二十一年

辛丑宋八年

貧不能糴者貸之 貸北作貸非

鄭達卿 達北作大非

三祖三宗 當作二祖二宗 志

杖一百 一元作二

為夏國生日使 案紀自九月至十二月皆闕天文志同

月食一條別見今攷補三條於後

九月水災免中都路租 案此据食志補

十一月以魏貞吉等為賀宋正旦使 案此据宋孝紀補  
以口口口為高麗生日使 案此依紀例補

二十二年 壬寅宋九年 此下當加正月壬申朔宋高麗夏遣

使來賀 案紀闕正二月事今依紀例補

放良人奴 人元作之是

右丞相致仕石琚薨 致仕石琚當作唐括安禮 薨下

當加以平章政事烏古論元忠為右丞相 選志本傳 又當

加以南京留守移刺道為平章政事 本傳 案紀例宰相

致仕不書薨紇石烈良弼傳云致仕還鄉卒而紀仍書

薨於十八年六月例似不同不知紀於良弼左相未經

書罷故用在任例薨此文竟明言致仕有是理乎審之  
乃史官錄本失去唐括安禮薨事而見琚薨亦在是時  
遂添入致仕二字以填四字空格而不知其非例也攷  
上文十八年八月以右相完顏守道爲左相是良弼在  
任書薨之證此年右相乃烏古論元忠以平章進補者  
紀文脫耳攷下文二十三年之罷卽得此安禮在任書  
薨之證也 又元忠道二條無月可攷故連綴於後  
子慎思 此下當加十六徒單貞傳  
癸丑獵近郊 丑下當加臘 獵下當加于  
二十三年癸卯宋十年 以尙書右丞張汝弼攝太尉致祭于

至聖文宣王廟 集禮省差直學士呂忠翰充亞獻待  
制任佃充終獻 又二十二年十二月十三日奏立宣  
聖廟碑亦見集禮紀略  
辛丑更定奉使三國 此上當加四月五行志  
六十以上者 此上當加詔致仕官年  
不以任數多少 以北作論  
以同簽大宗正事 正北作政非  
婆盧大等 大元作火是  
自以不道 不元作失

二十四年甲辰宋 在城隨關 關當作闕

不以文德感之安能復於古也 之元作化 安元作不

二十五年 乙巳 宋 十二年 正月乙酉朔 此下當加上在上

京 案海紀天德二年正月以遣還三國賀使故不書

朔是年權停三國賀使亦可不書朔若書朔不應無文

直接丁亥字

移置於率督畔窟之地以實上京 窟元作窟 京下當

加丙寅封混同江神為輿國應聖公 集禮十 三日

補一官 此下當加癸酉封護國林神為護國嘉蔭侯 集禮

二十 甚欲成醉 成北作沈非

日 甚欲成醉 成北作沈非

慷慨悲激 激北作咽非

次天平山好水川 當作次撒里乃地改名曰天平山好

水川 志

人胷中明暗 人北作其非

不許用網及速撒海 案速撒海國語解物象失載未詳

以西夏小邦 夏北作下非

二十六年 丙午 宋 十三年 但令稍通古今 令北作今非

前一親軍 前北作爾是

幸永安宮 永當作壽

以客省使李磐 黃圖雜誌云金明威將軍同知宣徽院



事上輕車都尉隴西郡開國伯食邑七百戶李磐神道

碑其文中順大夫同知中都路轉運使輕車都尉廣陵

郡開國伯食邑七百戶高德裔撰并書磐字仲安玉田

人墓在縣城東北 案寰宇訪碑錄碑乃明昌三年立

又璋傳磐即大興少尹李天吉子

族帳部曲錄李天吉燕人姿豐美長

髯狀元胡廝榜及第亮時口州復為大興尹葛王立除刑部侍郎 奉表如東京賀世宗即位者

北京轉運使以贓除名 使下脫人名

九月庚子 九月當削 案下文重見九月

參知政事馬惠迪曰 至 欲不使再窺邊境耳 四十九字

當削 案文與馬惠迪傳複

以刑部尚書 刑北作邢非

庚申立右丞相原王璟為皇太孫 集禮十一月十七日

制云蓋天下大器可不正其本與而世嫡皇孫所謂無

以易者是也

二十七年 丁未十四年 宋 升為令 升北作永非

皇太孫受册赦 集禮二十六年十二月七日差撰册文

并書篆册寶官二員右諫議黃久約修撰党懷英 案

王寂拙軒集丁未肆書詩即此

而不舉忠正之人 不北作特是

丁丑獵於近郊 丑下當加臘

二十八年戊申十五年 宋 三月丁酉朔萬春節 全真教祖

碑云世宗知重陽王先生道德高明二十八年二月遣

使訪其門人應命者邱處機王處一也命邱主萬春節

醮事職高功五月見於壽安宮長松島講論至道聖情

大悅命居於官庵又命塑純陽重陽丹陽三師像於官

庵正位邱屢進詩曲其詞備載蟠溪集中八月懇辭還

山

命隨朝六品外路五品以職事官 以下當加上

補充學士院職任 任北作仕非

命建女直大學 大當作太

以鷹房使崇夔 房當作坊 表

安武軍節度使 此上當加丙申 表

禁糠禪瓢禪 耶律楚材湛然居士集西游錄序西域九

十六種北方毘盧糠瓢白經香會之徒釋氏之邪也

張昱輦下曲肩垂綠髮事康禪淡掃蛾眉自可憐出入

內門妝飾盛滿宮爭逐女神仙 案此習至蒙古始盛

以改葬熙陵 陵當作宗

二十九年己酉十六年 宋 三月辛卯朔上尊諡 禮志作四

月乙丑

金史詳校卷一

烏程汪曰楨校寫於會稽開元寺

金史詳校卷二

烏程施國祁學

卷九

二十四再觀表申參久編錄三百萬

章宗紀一

金正百兩銀正下兩錢二千貫重幣二

始習本朝語言文字 文元作小是

遣滕王府長史臺御院通進膏 臺世紀補作再興 膏

元作膏世紀補作阿里刺

稱謝於慶和殿 和北作賀非

二十九年

己酉 宋 淳熙十六年

癸亥始聽政

此下當加遣吏

部侍郎徒單鑑使宋告即位 案紀及表傳皆失載據

宋光紀補

年交一紀

丙午以祔廟禮成大赦 案世紀補五月甲午顯宗追諡

後與世宗同祔廟而紀不書者尊帝統也

復與奴主男女 主元作生是

為御史大夫 太元作大是

詔諸有司身承應人 司元作出是 身北作凡非

當選有德行學問之人 學北作孝非

詔有司請親王到任各給錢二十萬 案永中傳章宗即

位與諸弟各賜金五百兩銀五千兩錢二千貫重幣三

百端絹二千匹再賜永中修公廨錢三百萬

知登聞檢院孫鐸 知上當加同本傳

甲戌乙酉太后幸壽安宮 乙酉元作奉皇是

丁亥次寶坻 亥元作未是

密州進白雉 白下當加鶉白五行志

仍罷巡鹽使 罷下當加西京解州志

明昌元年庚戌 宋光宗 紹熙元年 王尉 尉當作蔚

勅外路求世宗御書 世當作顯 案滏水集顯宗御書

藏祕閣銘云越我顯考天章奎畫光賁於臣庶之家有

司其募上凡諸金帛宜視所獲即此

二月 案此月宋乙酉朔見袁文襄牖閒評正合

遣諸王 遣下元有諭字是

寒食給假五日 集禮天眷二年五月十三日詳定所奏  
准元正冬至寒食各節休務三日上元立春秋社上巳  
端午立秋重陽一日皇統五年四月勅旨夏至中元下  
元各二日人日和節七夕春分立夏立冬各一日天  
德二年十月勅自旬假外年節前後各一日清明冬至  
各一日其餘並不給假大定二年閏二月九日奉勅清  
明與假三日三年十一月奏定元日寒食前後各一日  
冬至立春重五立秋重九各一日 癸辛雜志別集引  
續夷堅志縣上火禁升平時禁七日喪亂以來猶三日  
相傳火禁不嚴則有風雹之變社長輩至日就人家以

雞翎掠竈灰雞羽稍焦卷則罰香紙錢有疾及老者不  
能冷食就介公廟卜乞小火吉則然木炭取不煙不吉  
則死不敢用火或以食曝日中或埋食器於牛馬糞窖  
中其嚴如此戊戌歲賈莊數少年以禁火日飲酒社樹  
下用柳木取火温酒至四月風雹大作有如束箱柳根  
者在其中數日乃消又言火禁中人雖冷食無致病者  
案集禮載列朝節假寒食三日第攷續夷堅志縣上  
火禁七日喪亂後猶三日而此文令假乃給五日比他  
節似重未詳其制惜無他書可互證也

五品以下 下元北並作上是

乙巳擊毬於西苑 乙元作己是

祁雨於社稷 祁元北並作祈是

復祁雨於太廟 祁元北並作祈是

以祁雨 祁元北並作祈是

幸壽慶寺 壽慶已作慶壽與元本合

戶部尚書鄧儼等曰 至上是履議 一百十五字當削

案文與鄧儼徒單鎰傳複

讓蔭兄弟子姪者 姪北作侄非

諭之曰 至母但附合於尚書省 四十六字當削改作宣

諭 案文與王脩傳複

二年 辛亥 劉禹錫 禹北作宗非

禁以太一混 混下已加元與元本合

每十五日一朝 日當作月

三年 壬子 閏月 案張行簡傳劉道用新曆明昌三

年不置閏以閏月為三月即此

亦及事 亦北作不是

胡光謙 甘水仙源錄劉祖謙仙蹟記云玉峯老人胡光

謙為傳即此

賜同州人妻 人妻元作貞婦是

丙辰旱災 元作丙寅以旱災是

以本職提刑 刑元作舉是

安便優逸 優北作擾非

張汝猷 猷北作猶非 拙軒集送張仲謀使三韓卽此

癸丑獵於近郊 丑下當加臘

賀正旦 此下當加是歲改封并王永中爲鎬王本傳

卷十

章宗紀二

四年癸丑 宋四年 董師中等上書切諫 諫語見五行志

夏四月丁酉朔幸興陵崇妃第是日始舉樂 案是日章

宗始釋孝懿皇后喪服必以蔡王從葬立爲趙王執犖

後故有此幸紀略耳說詳泰和二年

親禘於太廟 滏水集禘禮慶成頌卽此

亦率六學諸生 六學者國子學太學府學及女直亦有

三學

以久雨禳 案金石文字記有潞州五龍祠明昌癸丑祈

晴碑亦是

釋奠孔子廟 滏水集有頌

及河北十六謀克之地 北下當加西路志

五年甲寅 宋五年 蔡州文商 滏水集遺安先生王逸賓碣

云所與游皆知名士如文商伯起輩十餘人 拙軒集

與文商伯起二帖一云某啟伯起足下去歲竊食趙郡  
略當南北之衝蔡下舊人往來如織時蒙惠教少慰懸  
懸某舊年嘗見中山王昭老稱頌伯起高才博學恨未  
能識韶護純音思欲趨前飽聽而不可得其傾想向慕  
爲何如哉丙午冬某自地官出守蔡州終日兀然如坐  
井底閉門卻掃謝絕交親分爲凍蟄枯枿無復有飛榮  
之望其况可知會足下自潁汝歸袖刺踵門修桑梓之  
敬某亦喜聞其來倒衣出迎都不省屐齒之折也已而  
握臂促膝說有談空至領會將無同處了不知賓主誰  
何顧此樂豈可與俗兒語耶某自改官餘人例皆旅退

獨足下與鄭秀才相陪信宿翌日解攜靳靳不忍訣去  
此情未易忘也所需重陽牡丹詩并真定有春庵記併  
錄附呈可發千里一笑偶緣承乏出使遼右鱗沈羽斷  
時閱足下詩文拊卷三歎如對晤語汝南最得春先寒  
温未一尤宜以道自重一云適承告墨具審勿藥有期  
良多欣慰汝蔡相去千里而近力疾道路間可量艱苦  
腦疽作發大槩服餌金石或祖父嘗嬰此疾傳之遺體  
自餘出於不意者又非當理可度當付儻來也某家藏  
祕方自宋日名公士大夫累取大效近歲親舊凡患腦  
背瘡者亦嘗用之多得平復今如法修合謹封送大劑



及錄本方併希檢入 遺山集東坡樂府引參以文伯  
起小雪堂詩話

幸城南別宮 案此即建春宮屬大興縣承安三年賜名  
者

丁酉 此上當加二月推得

二月甲辰 二月當削

丙戌以天壽節宴樞光殿 案章宗本生於七月二十七

日此七月丙戌正二十七日也下承安二年七月戊辰

同至九月一日十月十五日乃移節也

凡從官及承當人 當元北並作應是

以河東南北提刑使 北下當加路

語載琪傳中 當作語載河渠志

六年 乙卯 宋甯宗慶元元年 以出師遣禮部尚書 遣北作遣非

粘罕胡上 上當作土

承安元年 丙辰 宋二年 至自軍前 前北作中

審決免獄 免元作冤是

庚寅詔復市 寅下當加雨

自今長老太師 太元作大是

特滿郡牧 郡當作羣

大赦改元 此下當加魯王永功進封郢王 兗王永成進

封豫王本傳

十二月丙午 此下當加朔

二年丁巳 辛丑宋主以母后喪遣使告哀 十二字

已削

代左丞省襄 省北作相是

胥克又乘之以侵暴 克當作吏

建普天大醮 全真教祖碑承安丁巳六月章宗再詔王

處一至闕下特賜號體元大師及賜修真觀一所十月

召劉處元至命待詔天長觀

無奏刑 刑下當加名

劉頰 頰元作頰

詔集六品以上官 六當作四移刺益傳

粘割譎持刺 譎當作幹

以樞密使兼平章政事襄知大興府事胥持國為樞密副

使權參知政事行省於北京 興當作名持國傳 三十

三字當改作以知大名府事胥持國為樞密副使權參

知政事佐樞密使兼平章政事襄行省於北京 案文

倒敘不順又大名誤作大興據兩傳改

分遣官於東西北路河北等路中都一節鎮 北路當作

北京 一元北並作二是

十一月甲辰冬至 案宋統元厯作癸卯 江氏說

無禁樵採 此下當加口口以奧屯忠孝等為賀宋正日

使 案紀及表傳皆失載據宋甯紀補

十二月己巳朔 己北作乙非

上官踰 踰元作瑜是 案食志作瑜

稱皇叔豫王而不名 此下當加是歲韓王永濟進封衛

王衛紀

卷十一

章宗紀三

三年 戊午 宋四年 三月戊戌 此下當加朔

始權醋 始當作復 食志

宰相遇雨可循殿廡出入 集禮原廟云比准儀注定到

入內城門非時雨雪許自執小油傘 非

庚子后宣徽使 此上已加五月 后元北並作右是

五月壬寅 五月巳削

請開權場於轄里鼻 鼻食志作尼要

四年 己未 宋五年 楊伯通 此上當加參知政事

封崇國公 崇宗浩傳作榮

勅尚書 此下當加省

詔學校仍舊 案元史裕宗傳嘗曰我聞金章宗時有論

太學生廩費太多章宗謂養一范文正公所償顧豈少哉其言甚善卽此紀失書

以久雨令大興府祈晴 王若虛滹南集焚驢志云歲已未河朔大旱遠邇焦然未幾而雨彌月不解歲卒以空案與此紀五月以旱禱雨六月雨足報謝七月以久

雨祈晴正合

乙未勅京府州縣 未已作酉

丙申 此上已加十一月 丙北作甲非

十一月甲寅 十一月已削

五年 庚申 宋六年 癸卯定進納粟補官之家 此上已加閏

月 進字當削

以知大興府字下 下元作卞是西天是縣又 案王得

已勅諸路按察司 已下北有未是

八月 此下當加辛卯宋前主惇俎 表

天壽節宋高麗遣使來賀 麗下已加夏

東至胡烈公 公元作么是 案獨吉思忠傳作么或卽

兵志之移刺札

以國使院編修官 使已作史

以河南路統軍使充等 充當作究 案交聘表作究宋

甯紀作充非

泰和元年

辛酉 嘉泰元年 宋

勅官司私文字

私上當加公

六月己卯

卯下巳加朔

更定右選

右北作古非

以二分之一

二元作三是

宜尚其價

尚北作償

辛亥勅尚書

書下元有省是

五十二卷

二刑志作三

二年

王戌 宋二年

幸芳苑觀燈

芳苑地志作臨芳苑然顯

紀亦但云芳苑

燈下當加辛酉天長觀災

案王鶚

重修大天長觀碑文云泰和壬戌正月望日焚燬今據

補下文三年五月作太極宮十二月賜天長觀額為太極宮卽此

甲子蔡王從彝母充等太師卒詔有司定喪禮葬儀事載

從彝傳 蔡王從彝母五字當削 充等太師元作充

等大師四字當改作興陵太妃 事載從彝傳五字當

削 霍王從彝傳本名阿憐母田氏早卒温妃石抹氏

養為己子大定二十五年封宿國公加崇進二十六年

賜名瓚章宗卽位封沂王明昌元年諭旨有司曰豐鄆

瀛沂四王府各賜奴婢七百人四年詔追封故魯王永

功為趙王以從彝為趙王後承安元年為兵部尚書改

封蔡四年除祕書監泰和五年賜今名八年封霍貞祐  
二年薨 張暉傳霍王從彝母早死温妃石抹氏養之  
明昌六年温妃薨上問從彝喪服暉奏慈母服齊衰三  
年桐杖布冠禮也從彝近親至尊厭降與臣下不同乞  
於未葬以前服白衣絹巾既葬止用素服終制朝會從  
吉上從其奏 錢氏攷異云充等太師當是充華太妃  
之譌案官志有充儀充容充媛無充華之名乃太子諸王妃號從彝傳亦未載此事  
惟張暉傳云云或即指此事然暉所議者慈母服制案  
如卒時從彝已出後執輦章宗之問乃疑出後而歸非服所生之制故暉對有近親厭降絹巾素服之文葬禮且明昌與泰和相隔六七年未可合為一事也從

彝本充華田氏所生案從彝與鄆瀛二王不同母傳文可攷諸子提綱因諸姬田氏順文及之耳其母亦不封充華暉傳既云早卒何以其卒轉在温妃之後  
尤為矛盾 章紀明昌四年四月丁酉朔幸興陵崇妃  
第是日始舉樂 官志宣徽使下崇妃位提控注世宗  
夫人又典衛司注大定二十九年世宗才人寶林位各  
設泰和五年閏八月以崇妃薨罷 世宗諸子提綱昭  
德后生顯宗趙王執輦 越王永功傳子福孫賜名璐  
初為興陵崇妃養子 賈鉉傳泰和二年興陵崇妃薨  
上欲成服苑中行登門送喪之禮以問鉉鉉對曰故宋  
嘗行此禮古無是也遂已 案攷異止舉張暉傳温妃

未檢及賈鉉傳崇妃事宜其年分不合迄無定論蓋崇妃爲世宗夫人以無出不見於世宗諸子目中卽昭德后及兩元妃傳皆不附載遂失其姓稱崇者亦用大定禮官議上太祖蕭妃之號耳其在章宗時應爲太皇太妃諡後稱崇始卒稱太是也惟攷從彝傳云追封故魯王永功爲趙王以從彝爲趙王後永功二字乃孰輦之王諱其決非永功者駁說別見本傳孰輦爲昭德后所生封趙王見宗室表及世宗諸子傳目竊意昭德薨後崇妃必養孰輦爲己子如太祖崇妃蕭氏之養任王偃喝世宗元妃李氏之養豫王永成至孰輦卒復養永功子

福孫亦似爲孰輦立後然傳言初爲養子者不終之謂緣章宗明昌四年推顯宗母弟之恩以福孫爲同祖昆弟其屬稍疏故改命同父昆弟從彝爲孰輦後爲之幸第舉樂無可疑者惜此事傳文譌略耳紀例帝妃王妃皆不書薨卒故溫妃卒明昌六年不書此特書卒者以興陵諸妃提控有位典衛有司而章宗欲成服送喪大貴重之故也蔡王從彝母五字累句當削從彝傳無詔定喪禮葬儀之文事載從彝傳五字虛設亦當削充等太師攷異謂充華太妃之譌第太皇太妃卒後不合尙帶內職且不祔陵名與顯宗諸妃有嫌皆非例也故訂

定如此一又霍王從彝有三母本傳早卒之田氏生母也張暉傳議服之温妃石抹氏即本傳養子之慈母也賈鉉傳是年書薨之崇妃為趙王執輦之慈母即從彝出後之太妃庶祖母也前引二傳以證錢攷後列紀志傳五條以終鄙說

更泰和宮曰慶甯長樂川曰雲龍 中州集章宗有雲龍

川泰和殿五月牡丹詩

八月丙申鳳凰見於磁州 月下當加甲午皇子生 案

忒隣傳無日據傳下文癸酉滿百日推得紀書於丁酉日下非也 又五行志鳳凰見亦在丙申續夷堅志作

四年六月

皇子生 三字當削

獵近郊 近上北有于是

獵用辰 獵元北並作臘是

庚辰初命外官 辰巳作申與元本合

三年 癸亥 三月壬申朔 當作己巳朔 案正月辛

未朔則三月安得壬申朔今據天文志癸未月食為十

五日改

及朝資歷在刺史以上 及下當加隨

五月壬午以重五拜天射柳 午當作申 案宋甯紀四



月己亥朔推得五月當戊辰朔

雨澤分數 澤北作水非

進世宗實錄 世當作顯 案攷異云一事重出非也

卷十二

章宗紀四

四年甲子 宋四年 諭外方使人不得佩刀入宮 卽高麗傳

梨刀事

水冰 水元作木是

女奚列 此下當加元表

詔刺史州郡無宣聖廟學者並增修之 案刺史州係籍

生例附於京府故率有未立廟學之處其已立而略見

於志者如沃州天會間 趙某建甯海州皇統 中建鈞州貞元中太守 完顏守信建

邳州宋承縣學 金改州建滕州宋縣學 金改州建濮州州人史 仲謙建又略見於

碑刻者如涿州大定二十 七年立綏德州泰和元 年新修鈞州泰和三 年重修

多在此年前各州必不止此故云增修

詔定前代帝王至從之 七十四字當改入禮志攷異 云

尙書右丞完顏匡罷 右當作左

罷惠民高三州 高下當加遂志 三當作四 案三州

乃承安升置與遂州不同紀上文不載始置此獨書罷

且其文已詳他志中似可削

咸甯 咸疑作威 案志撫州下不書罷

全安 全當作金 案志屬泰州

罷限錢法 法北作發非

以殿前古副都點檢 古當作右

五年乙丑 宋開禧元年 自太和三年 太元作泰是

宋人入漣水縣 案宋甯紀五月甲申鎮江都統戚拱結

弓手李全焚漣水縣李全始此

時宋殿帥郭倪至新置弓箭手 一百三十八字當改入

僕散揆傳 案文不應傳略而紀反詳

典衛司 此上當加罷志

攻洛南之固縣 固當作故

六年丙寅 宋二年 蒙古太祖元年 遺御史大夫孟鑄 大夫當作中

丞傳

遂罷宣撫司 撫北作府非

以張貞 貞元作貞

完顏王喜 完顏綱傳作王善

妨本職 妨北作以是

撲散端 撲元作僕是

甲子獵於近郊 此下當加以□□□為高麗生日使

案表亦脫載據謝使補

乙丑初設都提控急遞鋪官 丑下當加夏使謝封冊 表  
七年 丁卯 宋三年 年蒙古二年 季爽圍壽州 季元北並作李是  
赦鳳成西和階山五州 案紀上六年十一月丙午克西  
和州十二月壬子克成州辛酉入鳳州獻階州惟山州  
未見克獻等文完顏綱傳上云四州下又云五州遣山  
集王擴碑亦云獻五州而宋史吳曦傳云開禧二年遣  
客姚淮源獻階成和鳳四州于金三年正月引金兵入  
鳳州以四郡付之表鐵山為界慶元黨禁亦云二年四  
月二十六日丁丑遣客詣金獻關外四州並無五州之  
文則紀語恐不實 又歸潛志劉昂上平西詞亦有洗

五州煙瘴之句惜李心傳西陲泰定錄張革誅吳錄毛  
方平丁卯實編郭士甯平叛錄諸書皆未見  
四川安撫使安丙遣四和州安撫使李孝義 四川土當  
加宋 四和當作西和 李孝義宋史本傳作李好義  
戊午烏古論誼 烏上當加以  
兼左副元帥定國公 左副當作都 公下當加行省于  
汴

攻下蘇嶺關 蘇當作鶻  
丙午詔策論進士 丙當作戊 案此重書丙午必譌  
八年 戊辰 宋嘉定 元年蒙古三年 把面海 面元北並作回是

羊皮一紙

左司郎中劉昂通州刺史史蕭監察御史王宇吏部主事  
曹元吏部員外郎徒單永康大使馬良顯順州刺史唐  
括直思白坐與蒲陰令大中私議朝政皆杖之 曹元  
下當加戶部員外郎李著監察御史劉國樞尚書省都  
事曹温雄州都軍馬師周孫鐸案坐事十一人外復  
有參政賈鉉本傳宗室從郁見劉昂傳紀亦失載又賈鉉傳云  
與審官院掌書大中漏言除授事劉昂傳亦云掌書不  
云縣令攷之鉉降節度大中遷縣令自屬七年冬事此  
八年正月復記受杖諸人事兩人不受杖故也  
宰臣上表謝罪 案上下文不知所謝何罪大約是大中

案內

日暈三重 三北作二與天文志合

閏月 宋志開禧三年大理評事鮑澣之言統天術來年  
閏差願以諸人所進歷令秘書省參攷頒用祕書監曾  
漸言來年閏差其事至重今年八月便當頒歷外國而  
三數月之間急遽成書願以衆歷參攷擇其與天道最  
近且密者經用庶幾來年置閏不差 直齋書錄解題  
開禧歷三卷鮑澣之撰開禧三年詔附統天歷推算當  
時緣金人閏月與本朝不同故於此歷加五刻天道有  
常而造術以就之非也 案此爲宋歷差而改從金閏

四月者攷宋高紀建炎三年閏八月太宗天會七年無  
又紹興五年閏二月天會十三年無又十六年閏六月  
熙宗天眷三年無又二十九年閏六月海陵正隆四年  
無宣宗貞祐四年閏七月宋甯紀嘉定九年無宋理紀  
寶慶三年閏五月哀宗正大四年無又紹定三年閏二  
月正大七年無又熙宗天會十五年十月應有閏而宋  
高紀紹興七年亦無推其甲子皆得三百八十四五日  
大抵無事不書惟宋甯紀慶元六年閏二月章宗承安  
五年無此非無事自是癸卯文上脫載太宗天會四年  
閏十一月宋欽紀靖康元年同而紀閏拾遺作閏八月

乃丁氏誤記 又三國時吳用乾象魏用景初而蜀漢  
仍用四分故閏朔多不合北魏正始元年閏十二月梁  
天監三年閏次年正月蜀王衍丙戌年閏正月後唐歷  
閏上年十二月周世宗顯德五年閏七月南漢閏六月  
遼聖宗開泰九年閏二月宋歷閏十二月宋神宗元豐  
元年閏正月遼閏上年十二月大抵三光分曜之時置  
閏或殊至宋金兩朝疇人寫擬尤不敢自恃是以陰相  
附和以示符同故與他朝異也

此乃更始 此乃北作自此非  
遣使分路捕蝗 此下當加詔御史分理冤獄 案見遺

山集王擴碑

以副都點檢完顏侃 副上當加左

表

崩於福安殿 湓水集有挽詞

年四十一 此下當加十二月遣裴滿正如宋告哀遣蒲

察知剛賜宋遺留物遣使如宋告卽位 案三使皆據

宋甯紀補

卷十三

衛紹王紀

乃以衛王子按陳 陳永蹈傳作辰 案地志東京蓋州

遼辰州以與陳同音更當以陳字爲是

已而改武定軍節度使 案改官見章紀泰和七年二月

當有奉詔受蒙古貢幣不禮請兵等事紀文諱耳

匡等傳遺詔立衛王 此下當加其遺詔略曰皇叔衛王

承世宗之遺體鍾厚慶於元如人望所歸歷數斯在今

朕上體太祖皇帝傳授至公之意付昇寶祚卽皇帝位

於柩前載惟禮經有嫡立嫡無嫡立庶今朕之內人見

有娠者兩位已詔皇帝如其中有男當立爲儲貳如皆

是男子擇可立者立之 案據完顏匡傳文此詔不合

載匡傳本攷異說

大安元年

己巳 宋嘉定二年 蒙古太祖四年

大赦

此下當加追尊皇

妣李氏為光獻皇后傳案衛王記注凶失今從王百

一采摭外更據傳錄及宋紀攷補二十六條

初章宗遺詔至願削髮為尼 八十字當削 案文與李

元妃僕散端傳複

三月 此下當加宋使來弔祭 案宋甯紀使為曾從龍

四月 此下當加宋使來賀即位 案宋甯紀使為宇文

紹彭

幸海王莊臨奠魯國公主 公上當加長 案世宗元妃

李氏傳葬於海王莊烏古論元忠傳世宗以長女妻之

後封魯國大長公主章宗時為大長公主衛王時當稱

長公主

宋遣使來賀 此下當加遣使賀宋生辰宋紀

十月歲星犯左執法 月下當加丙寅熒惑志

十一月平陽地震 月下當加丙申志

自西北來 此下當加遣使賀宋正旦宋紀

進封兄越王永功為譙王 越當作郢傳 譙王下當加

宛王永升為夔王傳

為太保 此下當加是歲以皇子胙王從恪為右丞相左

丞孫卽康右丞獨吉思忠同為平章政事以知興中府

承暉為御史大夫各傳 又當加始稅間架王維翰傳

二年庚午 宋三年 蒙古五年正月庚戌朔 戊當作寅 案宋甯

紀上年十一月辛卯朔據改 朔下當加宋遣使來賀

案宋甯紀使為費培

沒於蜀中 蜀元作濁是志亦作濁

地大震 此上當加乙酉志

以禮部侍郎耿端義為參知政事 案端義傳不官禮侍

其拜參政在貞祐元年十一月

北方有黑氣 此上當加壬申志

宋遣使來賀 此下當加遣使賀宋生辰宋紀

清倉 倉當作滄

十一月 此下當加遣使賀宋正旦宋紀

十二月辛酉朔日有食之 疑作乙卯朔 案是年日食

宋在六月丁巳朔紀在此朔下者不足校蓋王百一采

摭司天災異十六條中必載此食而失其月朔不能定

若用是歲云云例加入未免形陋故用古人歲終書閏

例注入以為月雖差而年尚合且因比年災異太多此

食反視為故事耳養新錄引李氏云此朔當在前一年

其說實本監本天文志特文下災變多屬二年則志中

元字乃二字之譌要之止定辛酉為元年十二月朔則

可而日食反差一年此乙卯上據宋紀九月丙戌朔下



據本紀三年正月乙酉朔改為疑朔實則史文此十字皆可削也

不得傳說邊事 此下當加是歲譙王永功追封越王傳

三年辛未 宋四年 蒙古六年有大風 此上當加乙亥志

有黑氣 此上當加辛酉志

四月我大元太祖 元本大元提行太祖又提行 北無

我字是

參知政事奧屯忠孝為尚書右丞 案忠孝傳止兼禮部

尚書並無參政右丞等拜傳言參政在貞祐初此時殆

一拜即罷而傳略之耶抑此紀有譌耶

十月 此下當加己卯志 案己卯當是十月朔天中記

熒惑犯壘壁陣 此上當加癸巳志

秦州刺史木虎高琪 秦當作秦傳

十一月 此下當加遣使賀宋正旦宋紀

懷來 當作媯川志

初徒單鑑至上乃大悔 七十七字當削 案文與徒單

鑑傳複

胡沙責授咸平路兵馬總管 案承裕傳亦除名迨至甯

元年始兼總管

萬戶瓜頭 為納蘭氏見李英傳

屯古北口 此下當加詔中都西京路及清滄州並免今

年賦稅 程卓使  
金錄

僕散端罷 此下當加是歲平章孫卽康致仕以賈益謙

為參知政事 傳

崇慶元年 壬申 宋五  
年蒙古七年 正月朔 月下當加己酉

以御史大夫福興為參知政事 案紀書此在三月下五

月又書參知政事福興為尚書左丞攷承暉傳行省宣

德承裕敗績於會河亦坐除名則兩拜皆當在大安二

年此疑誤

參知政事孟鑄為御史大夫 案鑄傳止云至甯元年復

為御史中丞其參政大夫皆無攷

武安軍節度使致仕賈鉉 武安當作安武 傳 案鉉起

復參政本傳無文

流華滿野 華當作萃

七月 此下當加辛未 志

萬秋節 此下當加宋遣使來賀 案宋甯紀使為備誠

不設宴 此下當加遣使賀宋生辰 宋紀

十一月 此下當加遣使賀宋正旦 宋紀

謝封冊 此下當加是歲命參知政事梁瑾翰林承旨張

行簡同修章宗實錄 張行  
信傳

至甯元年癸酉 宋六年 蒙古八年 正月 此下當加癸卯朔宋遣

使來賀 案宋甯紀使為應武

王維為參知政事 維下當加翰傳 事下當加左丞徒

單公弼為平章政事傳

將兵備邊 此下當加敗績傳

福海男 三字當削

都統石古乃 都統當作護衛傳

烏古論奪刺順天軍節度使 此下當加濬察六斤橫海

軍節度使傳

并其子皆殺之 并其子皆四字當削

胡沙虎者紇石烈執中也 十字當削

順天軍節度使 使上當加副

銖轄 銖當作鈐

贊 張承旨家于本 于當作手

卷十四

宣宗紀上 甲辰即皇帝位 此上當加九月衛紀

又判永定彰德等軍 定下當加汾陽耿端義傳

九月乙巳朔 九月朔三字當削

改元貞祐癸酉 宋嘉定六年 蒙古太祖八年 前所更名三字 三元作

二是 案指從嘉二字

張行信上封事 此上當加甲寅 傳

詔贈死事裴滿福興及鄴陽石古乃官 案紀書死事不

立傳者福興之外又有戶部郎中魏琦 貞祐四年六月諸城軍

官任福 興定元年五月 潞州都統馬甫 十二月 錦州元帥劉仲亨

二年 沂州提控齊信 六月 葭州刺史紇石烈王家奴 三年

合河縣令喬天翼 八月 泗州提控王祿 五年正月 鳳翔萬戶完

顏醜和尚 元光二年四月 并興福凡十人失書贈郵者六人

此下當加暴執中過惡削其官爵詔中外 傳

以橫海 此下當加參知政事胥鼎罷 傳

兼前職 此下當加遣禮部郎中粘割貞等詣大元乞和

傳 又當加夏人陷鞏州節度使夾谷守中死之 案

此文據表補又據本傳改溼為鞏

二年 甲戌 宋七年 命僕散安貞等為諸路宣撫使 案

諸路可攷者安貞山東路 本傳 奧屯襄北京路 本傳 完顏弼

陝西路 本傳副使烏古論 武都河東路 本傳俄以胥烏古論

禮河東北路 本傳 蒲鮮萬奴東京路 副使完顏海奴 惟裴

滿子仁見安貞傳不詳何路

以備錄用 此下當加右丞相徒單公弼罷 傳

以都元帥承暉為平章政事 平章政事當作右丞相 傳

封申國公 此下當加佐皇子留守中都 傳

遷衛紹 此下當加王

以按察轉運使高汝礪 按察轉運使當作戶部尚書傳

寶鎮閣灾 閣元作閣是

曲赦山東路 此上當加戊辰傳

鉤鈴星 鈴當作鈐

三年乙亥 宋八年 蒙古十年 右副元帥蒲察七斤以其軍降於大

元 右完顏六斤石 抹明安傳上當加大元兵下通州 案元太

祖紀作金元帥寅荅虎烏古論以城降譌

宋遣使來賀 此下當加大元兵徇霸州中丞李英兵敗

死之盡失所運糧傳

李華 華當作革

前年京兆治中李友直私逃華州結同知防禦使馮朝河

州防禦判官郝遵甫平涼府同知致仕楊庭秀水洛縣

主簿宿徽等團集州民號忠義扈駕都統府相挺為亂

殺其防禦判官完顏八斤及城中女直人以書約都統

楊珪為府兵所得珪諱之請自效誘友直等執之靡所

招千餘人納仗阬諸城下時京師道路隔絕安撫司以

便宜族友直等至是以狀聞乃贈八斤及被害官軍十

餘人各一官賻錢三百貫夏四月癸巳河東宣撫使胥

鼎陳利害十三事長勝軍都統楊珪伏誅 一百八十

五字當改作初京兆治中李公直韓玉傳中州集並作公直此紀作友直譌至華州結同知防禦使馮朝河州防禦判官郝遵甫平涼府同知致仕楊庭秀水洛縣主簿宿徽等圍集州民號忠義扈駕都統府謀舉兵入援其防禦判官完顏八斤及城中女直人有不從者公直殺之以書約都統楊珪為安撫使所得遂誣以謀反命珪誘執之盡族公直等阬其衆時京師道路隔絕至是以狀聞贈八斤及被殺十餘人各一官賻錢三百貫夏四月癸巳河東宣撫使胥鼎言利害十三事為公直等辨誣鼎傳十三事中有獻獄一條蓋即指長勝軍都統楊珪伏誅案文中私逃挺亂便宜

伏誅等語前後抵牾蓋始以安撫之蒙蔽並遭誣陷繼以宣撫之申奏方正罪名此乃實錄未刪之藁漫鈔入紀者此事惟略見於韓玉傳紀以諸人無傳故載筆小詳而前奏失於改正一似公直等果謀反矣今攷定如此又韓玉傳云公直一軍行有日矣將有違約國朝人有不從者輒以軍法從事京兆統軍便謂公直據華州反即指擅殺判官及女直人事當時以此為謀反實據者也楊珪雖誅而是年陝西安撫使完顏達吉不副使烏古論究州統軍使完顏合打不聞因此獲譴公直等俱無贈卹而韓玉牽連亦未省釋殆以是歟又公

直以下諸人事狀多佚惟楊廷秀事散見於紀志及他書碑碣者尙可攷廷秀字德懋華州人爲大定中進士

中州集本傳

由進士出令高陵入官補闕由補闕改修撰由

修撰出刺澤州由刺史遷平涼府同知致仕其在諫垣

請轉對移聞

章紀承安四年六月丁丑

類集聖訓

又十二編次日曆

又五年閏二月丁未

在詞垣奏定州縣聽訟條約

刑志承安五年十二月

蒙道陵俞允克稱厥職刺州政績雖不傳第寺碑所述

破石山福嚴禪院記潛研堂金石文跋尾續引之

隱然以文吏自附許安李仲略

當亦不甚相下至致仕後復能團義鄉郡奮勇勤王晚

節尤可尙夫金國自大安貞祐以來四境交兵圍燕窺

其汴中原不知誰屬忠義之士誠有不容坐視者故讀其成皋道中詩云九關欲上虎豹怒三徑未埽松菊荒崧少雲煙聊駐馬漢唐宮殿兩亾羊實與韓温甫檄語韓傳及中州集同挾悲憤之氣惜乎時會不齊竟遭誣陷與李公直等駢首族滅士論冤之他若龍泉碑文秋澗詫爲奇作王暉題陽城北龍泉寺詩後云萬松亭久廢手拂短碑看注碑爲大定間澤州刺史楊廷秀撰真奇也又如高陵縣灝靈門等碑法輪寺詩書撰並出一手其文章字畫自負尤不淺而史載闕如故引所見附志之

平時可以以元作耳是

從事郎 事元作仕

艾國公 艾元作芮是

遂止 此下當加大元兵克曹州馬驥傳

徵弓箭丁內外京官 丁巳作于與元本合

亾夫告身 夫元作失是

遇土寇 遇當作過

特遷三官升正五品職 九字當改入上招徠民戶至五

萬文下 案此賞粘割忒隣復立冀州功也

行中書省 中當作尙

其不可大用者 不已作才與元本合

乙酉監察御史 乙巳作己與元本合

掠城武 城元作成是 案地志作成

及差委官 差委元作委差

平原 元作平涼是

杖之八十 此下當加以參知政事高汝礪爲尙書右丞

傳

以秋稼未獲 獲巳作穫與元本合

設潼關提控總領軍馬等官 此下當加己巳以左諫議

大夫把胡魯等爲賀宋生日使 表

護治鞏國公按春第 春當作陳 案永蹈傳子按春巳



賜自盡泰和七年詔以衛王子按辰爲後奉其祭祀當封國公傳略耳按辰當從衛紀作按陳官志有提控鞏國公家屬次在衛鎬後者卽此

按春所爲不慎 春當作陳

按春尋以不法 春當作陳

黜衛紹王母李氏光獻皇后尊謚神主在太廟畫像在衍慶宮並遷出之 衍當作啓 案世宗元妃李氏傳無畫像事且衍慶宮在中都是年五月已爲蒙古所破何由有九月衍慶遷出之文在南京者自名啓慶東鹿 東元北並作東是

能募民進糧五十石以上者十元作千是 案募糧事又

見高汝礪傳乃在興定三年

出爲集義軍節度使 義當作慶

召中奉大夫 奉當作議

上與尙書左丞汝礪 左當作右

庚辰 此下當加以拱衛直都指揮使蒲察五斤等爲賀

宋正旦使 表

亦以官絲 絲北作紆非

□□勞民 勞上已加戒勿與元本合

陀滿胡土門 門下已加進官三階再任與元本合 此

下又當加是歲以皇子濮王守純為樞密使傳

四年丙子 宋九年 蒙古十一年正月 此下當加乙卯朔宋使賀

正旦表

侯摯進尚書右丞 此下當加吏部尚書李革為參知政

事傳

太原元帥監軍 監上元有左是

招其民降比者 比已作北

得四千三百三餘人 元作四千三百餘人是北作四千

三百三十餘人非

詔免逃戶租 逃上當加陝西

請遣官勸農 勸元作劬

大元兵圍太原 太原當作平陽晉鼎 傳

任國公瑋薨 即豫王永成子

温撤可喜 撤元作撒是

比商販米 比元作北是

水星晝見于奎 水已作歲元作木

候事定 候元作俟

壬戌賜張行信寶券二萬貫重幣十端旌其議禮之當

二十一字當改入下十二月李革罷文下傳

攻防州 防當作坊

以中尉衛完顏奴婢等 此上當加乙未 表 尉衛當作

衛尉

攝大尉 大元作太是

河南行省胥鼎 南當作東 傳

以運軍上衣糧者 上北作士是

戶部郎中魏琦 歸潛志魏戶部琦字民英宏州順聖人

少工詞賦擢高第為鄆陽令有治行南渡為南京留守

判官遷戶部員外郎郎中以材幹稱貞祐末北兵犯潼

關行部軍前至洛陽見殺朝廷官其子焉

大元兵至沔池 沔當作澠

進所獲馬馳 馳元作馳是

卷十五

宣宗紀中

興定元年 丁巳 宋十年 蒙古十二年 三月戊寅 此下當加朔

降葛仲 葛仲即葛鐵槍見元史肖乃台傳

權知真定府事 此下當加是月起復禮部尚書張行信

權參知政事

官給其種 種北作糧非

各司察之 司當作伺

尚書右丞蒲察移刺都棄官擅赴京師 尚書右丞當作

上京宣撫使 案移刺都自上京逃歸故以爲罪若書  
右丞則本宜在京師不見其罪矣

下沔城縣 沔當作諸

壬午從宜移刺買奴 此上已加十一月

楊雲翼榮之 榮當作榮

元帥左監軍蒲察五斤進右副元帥權參知政事充遼東

行省 案文二十六字與完顏阿里不孫傳不合疑誤

二年 戊寅 宋十一年 蒙古十三年 元本北本二年提行是

李雄韜 李北作季非

獲歸國人言大元兵圍夏王城 案文知此事當在丁丑

年元太祖紀卽載於十三年戊寅非也

辛亥張行信 張上當加參知政事

殊不知當闕之時 知元作思是

長春節 此下當加免朝賀

上京行省蒲察五斤表左監軍哥不孛誣防州宣撫副使  
紇石烈按敦將叛而殺之 案此事不見列傳惟完顏  
阿里不孫傳伯德胡土戕殺阿里不孫監軍溫迪罕哥  
不孛與上京留守蒲察五斤所遣使二人合謀召胡土  
誅之哥不孛進一階亦與此文迥不相合此云防州無  
其地紇石烈按敦無其人誣叛而殺無其事當必有譌

夏四月壬寅朔蒲察五斤 蒲北作捕非

完顏素闌 闌當作蘭 傳

部落塌 部元作步

黃樞阿魯荅 樞元作摑是北作樞非 宋李全傳黃摑

者即阿魯荅為經歷官是也

集兵應州飛柶 柶已作狐與元本合

更審處之 審北作深非

有司議贈卹 此上當加詔

治京獄冤囚 因當作囚

勢連及帥府 勢下當加必

用點檢承元言 元當作立 傳

江北行省 江當作河

詔河北行省完顏霆 省下當加遣

招撫使田琢 此上當加詔

侍郎郎中員外郎 七字當削

防刺長官 此下當加充

勾當官 此下當加充

權石都監 石元作右是

甲申河東南路 河上當加詔

納合蒲刺都 蒲北作滿非

敗夏人於質孤保 保當作堡

嵐州元帥古里甲完復河東 嵐上元有與是 甲下當

加石倫 案此族無顯人時人止呼其氏史文因之與

石家奴止書蒲察同

三年己卯 宋十二年 蒙古十四年 上濠州香山村之捷 濠北作壕

非

諭宣徽 此下當加院

元帥右都監承立 右當作左

擒統制李申之 申之有詩見歸潛志

破宋人於海林闕 海當作梅

閏三月 當作閏月 案史例書閏不計數況上文已有

三月

付嵐州帥古里甲 此下當加石倫

破葭州之通泰砦 泰當作秦

陷其西南隅 隅當作隅

詔赴遼東等處 赴當作付

撫諭其軍民 此下當加是月益都總領張林以青莒密

登萊濰淄濱棣沂甯海濟南十二州叛入於宋宋李全傳

置東西南三路行三司 東上當加京

遣徒單思忠以地震 以地震三字當改入遣字上

西京行三司 西京當作京西

邢洛 洛元作洛是

貸之 此下當加是月右丞賈益謙進左丞傳

完顏仲 此下當加元傳

真定招撫使武仙請給金銀符 武仙二字當改入請給

下 案仙是年以防禦兼同知安得稱招撫其招撫使

恐尚屬惟宏

以樞密副使僕散安貞同簽院事譌可行院事于河北

案此文與兩傳皆不合

尚書以希隆罰輕 書下當加省

誅高琪 此下當加壬申雨木冰志 又當加詔移文夏國傳

### 卷十六

宣宗紀下

四年庚辰 宋十三年 蒙古十五年 進官一階 此下當加是月左丞

賈益謙罷 又當加封滄州經略使王福等為九公皆

兼宣撫使賜宣力忠臣總帥本路兵馬官吏賦稅便宜

行事苗道 潤傳 又當加夏人公移語不遜詔詞臣草牒折

之傳

寇樂陵監山 監已作鹽與元本合

橫海節度使 海下當加軍

完顏畏可 完當作兀

山東民僑居者募壯士五百人 募字當改入山東上

使大元 此下當加是月右丞侯摯致仕傳

戍江 戍已作成與元本合 案遺山集濮州碑云成侯

江卽此

進章宗實錄 滏水集有進呈表

又犯靈臺第一星 臺下當加北

山東東路軍戶徒許州 徒元北並作徙是

詔柴茂權元帥左都監 都監當作監軍

五年辛巳 宋十四年 蒙古十六年 拓南京諸河 拓元作括是 河

元作州 河下志有灘字

南伐事軍 軍元作重是

詔諸道共集蔡州 共元作兵是

及監官 監下當加當

改授西省節制 授元作受疑作陝

張子英 子北作于非

隨處士民 士元作土是 案士民對下客戶而言

以寬士民 士元作土是

有能墾闢閒田 闢北作開非



字木魯合往 往元作住是

元光元年壬午 宋十五年 年蒙古十七年 壬午遣官 午巳作子與元

本合

卽濫乘者 卽北作有是

防州刺史 防當作坊

西面節度使 西面未詳元作西西亦譌

壬辰詔 辰巳作申

就糧屯 此下當加是月參知政事把胡魯罷傳 又當

加元帥右都監完顏合達遷左監軍權參知政事行省

事于京兆傳

宋人以事兵 事元作重是

輒杖左右司 杖北作授非

掠確山縣之劉村 此下當加壬戌長春節免朝賀

諸監官 監下當加當

七月 七上元有秋是

以左古警巡使 古元北並作右是

下榮州之胡壁堡 榮當作榮 案卽榮河縣

權元帥元帥右都監 下元帥北作府 案當削一元帥

字府字亦衍

攻鳳翔 此下當加是月把胡魯進右丞傳

二年癸未 宋十六年 蒙古十八年 甲寅上謂宰臣人有才堪任事至

上以為然 五十五字當削 案文與高汝礪傳複

臣下當有曰

完顏醜和 此下當加尙

京東總帥 此下當加牙吾塔

有護衛二人私語 案此等事已見於魏鄭公宋仁宗

章宗秋還 還元本空缺 還上宜加獵

并以納合六斤 斤當作哥

銀青榮祿大夫 榮北作光非

權御史中丞師安石等 案傳無權字

沔池 沔當作澗

十一月己亥 此下當加朔

諡大行 滏水集有諡議哀冊又歸潛志潘翰林仲明宣

宗玉冊哀冊皆其筆

贊 北顧有道之朝 有道北作大元非

卷十七

哀宗紀上

正大元年甲申 宋嘉定十七年 蒙古十九年 上始視朝 此下當加

右丞把胡魯拜平章政事傳

平章政事荆王守純罷判睦親府 當作英王守純進封

荆王罷平章政事改判睦親府

以延安帥臣 延安當作京兆

行尙書省事于京兆 京兆當作延安

賜詞賦進士王鶚以下五十人及第 案遺山集御史孫公表是年詞賦及第並授奉直大夫而宣宗貞祐三年進士第一乃授奉直則此當更優紀略耳

上以心喪 心北作新非

詔諭百官 王惲玉堂嘉話李翰林欽叔一日與杜仲梁在茶肆中有司召公甚急公曰無他多是要撰文字渠留此勿去少當卽來已而果至曰爲戒諭百官草詔適

當筆者應奉程天翼程初入供職有粹不易稱者公遂立草五百餘字允協事宜甚稱上意其辭曰朕新卽大位肇親萬幾國事實爲未明政統尤懼多闕公賴爾文武多士內外庶僚上下同心始終戮力以副遣大投艱之託共成興滯補廢之功然而養資考者每務以因循嗜閑逸者或託於疾病因之積弊習以成風事至於斯朕將何稱蓋嘗深惟百姓勤勞之意尙能不忘累聖涵養之仁服田力穡而以給租庸輓粟飛芻而不憚征繕凡爾等身膺高爵世享厚恩夫有國乃可以有家而爲臣亦猶之爲子未有國不安而家可保必須臣竭力而

君以甯加之事屬方殷時丁多故舊疆待乎恢復強敵  
期以削平正當經營之秋難行姑息之政朕旣夙宵軫  
念庶幾宏業以昭功爾等朝夕在公豈宜玩歲而愒日  
夫湯刑以儆具位周典以正百官茲出語言以爲明訓  
掌刑者有法可奉母使有冤抑之情典選者有格可循  
母矣求疏駿之節錢穀當審知取予母吝於出納之間  
臺諫當指陳是非母涉於細碎之事司農以敦本察吏  
不可苟且而曠職名司牧以扶弱抑強不可聚斂而營  
私計至於大而分閩小而掌兵固當志殄寇仇日闢土  
宇受朝廷之託必思報國念功臣之後常恐辱先又豈

可平居□□□□臨事或生於畏懼視郡縣之官忘  
分於彼此役部伍之卒不計於公私凡我有官所當共  
戒其敬遵於邦憲務恪慎於官箴享富貴於當年垂功  
名於身後且賞罰期於必信而功罪貴乎正明茲誠前  
代之良規亦我祖宗之已事今當伸法要在決行嗚呼  
任賢使能周室固聞於興復綜名核實漢家遂致於肅  
清公勤者賞不敢私弛慢者刑茲無赦各勤爾職明聽  
朕言故茲詔示想宜知悉 案哀紀正大元年二月八  
月無文二年二月三月六月十一月十二月三年二月  
九月十二月四年四月九月五年十月六年正月四月

六月七年二月三月四月九月十一月十二月八年二  
月三月六月八月皆無文因疑瞻思帝紀之失載又白  
撒傳元光後至正大初闕四年事合喜傳凡闕七年事  
女魯歡傳凡闕八年事亦疑壬辰雜編之脫文要之皆  
非也蓋自宣宗末造開封府報衙聲已在百官朝拜之  
後張行信許道真言事皆不及前弛慢之風積習既久  
況是時蒙古西征宋兵亦罷中原無事文恬武嬉坐俟  
國亾毫不知怪此詔爲哀宗勵精圖治之始欽叔代言  
確能指出掌刑典選數條並及養資考嗜閑逸諸弊可  
謂切中朝臣利病惜乎徒託空言無補國是紀傳皆不

採故補注之

桓州刺史 桓當作恒 案西京桓州失去已久此爲蓋  
屋縣所改者

上欲彰先帝之過 欲上當加不

二年 乙酉 宋理宗寶慶元年 蒙古二十年 今稱帝以和 帝北作弟是  
三年 丙戌 宋二年 蒙古二十一年 討反賊萬家奴 家當削

以禮部尚書楊雲翼等爲益政院說書官 案此官自楊  
之美外可攷者呂造完顏奴申蒲察世達三人

遣中大夫完顏履信爲弔祭夏國使 中下當加奉 信  
下當加等 表 使下當加是年以工部尚書師安石爲

詳校一紀

左參政傳

四年丁亥 宋三年 蒙古二十三年 辛亥朔 三字已削

獲馬八千 案牙吾塔傳作三千 千下當加是月召合

達還朝拜平章政事傳

大元兵平德順府 府當作州

徵夏稅二倍 此下當加四月丙申詔羣臣議陝西事

正月丁丑 案宋理紀閏五月己卯朔從是日丁丑順推

至六月戊申朔計三十有二日中必有閏

進士第 此下當加是月夏國傳 案西夏傳正大三年

七月德旺死明年王峴 二年夏國傳交聘表是年夏遣精方

甌匝使王立之來未復命國傳元太祖紀二十二年丁亥六月夏主李覲降宋史夏國傳丁亥秋為大元所取

夏國傳 工部尚書師安石 工部尚書當作參知政事傳

進之定遺訓 之北作大是

外臺監察御史 案完顏匡傳章宗立提刑司專糾察黜

陟當時號為外臺

詔贈德順府死事愛申馬肩龍等官 府當作州

五年戊子 宋紹定元 年 蒙古戊子年 隋蒲胡士門 蒲元作滿是

烏古論不魯刺 不當作石奴申 傳

言本一  
禱於上清宮 此下當加右丞赤蓋畏忻罷傳

減其工三之二 二當作一白華傳

充國信使 充下當加大元

六年己丑 宋二年 蒙古太宗元年 馳喻蒲阿 喻當作諭

三月乙亥忠孝軍總領陳和尚有戰功授定遠大將軍平

涼府判官世襲謀克 三十字當改入七年還京兆文

下

后抹冬兒 后元北並作石是

八月 此下已加丙申

十月 此下已加乙未朔

十二月 此下已加乙未

七年庚寅 宋二年 年蒙古二年 還京兆 案宋理紀是年閏二月自

六年十月乙未朔推至是年七月庚寅得二百九十五

日中必有閏

七月 此下當加庚寅朔合達傳

權樞密副使 此下當加中丞完顏素蘭為參政行省于

京兆傳

十月 此下已加己未朔

八年辛卯 宋四年 年蒙古三年 元本八年提行是

棄京兆遷居民於河南 張禮游城南記薦福塔續注貞

祐乙亥塔之纏腰尙存辛卯遷徙廢蕩殆盡惟輒塔存焉又三壇續注西北有唐贈戶部尙書楊貞公瑒廟碑楊氏苗裔泰和間尙盛人呼爲廟坡楊辛卯遷移無聞焉又元醫之居續注興定辛巳間尙爲元氏遷徙後無聞焉

而樞密院議以逸待勞 樞密已作東省與元本合

上諭之曰至惟不負吾民可也 六十八字當削 案文

與合喜傳複

天興元年壬辰 宋五年 蒙古四年 以便召問 此下當加下詔求

言於東華門接受陳言文字錄大 梁事

行元帥府事 此下當加于許州古里甲 石倫傳

起近京諸邑軍家屬 邑元作色是

次盧氏 此上當加大元兵

分隸諸帥 帥北作帥非

劉益比其子戰死 比元作叱是

楊仁 仁上當加居

乙丑將相受保城爵賞 丑巳作巳與元本合

國用安 用安巳作安用

保忠廟 保元北並作褒是

飛虎軍士 士北作事非



又益兵五十人 十元北並作千是

虎顏思烈 虎元作完是

壬子 當改入上中京文上 元本無此二字

行京都路尙書省事 都元作東是

戊寅 二字當削 案戊寅卽下九月朔此譌

卷十八

哀宗紀下

軍士殺鄭門守者出之 之元作奔是

庚辰起上黨公張開及臨淄郡王王義深廣平郡王范成

爲元帥 庚元作壬是 臨淄當作東平白華傳 廣平

當作膠西同上 范成下元有進是

范乃速 范已作蒲與元本合

賜越王 三字已削 元有越王二字無賜字

賜兗王用安 用上已加完顏

杖殺孝婦於省門 此下當加是月以強伸爲中京留守

行元帥府事傳

期以十二月一日入援 此下當加是月復起白撒爲平

章政事兼右副元帥傳

權興寶軍節度使 興寶當作寶昌

遣近侍郎白華問計 郎北作卽是

鞏昌元帥完顏忽斜虎至自金昌為上言京西三百里之間無井竈不可往東行之議遂決 昌下當加請西幸便白撒 案忽斜虎主西幸白撒主東行據此文似東行之議出於忽斜虎矣非也乃脫文耳

二年癸巳 宋六年 蒙古五年 丁酉上哭祭戰死士於河北岸 丁

巳作巳與元本合

完顏忽土出 忽女魯歡傳作胡

女魯權不可 權當作權

馬軍都元帥 馬軍巳作軍馬與元本合

張節 節上當加大

裴蒲阿虎帶 蒲巳作滿與元本合

講議蒲察琦 此下當加戶部尙書完顏珠顥崔立傳

癸酉 崔立傳作壬申

庚午至歸德 庚午巳削

二百八十餘人 女魯歡傳作七百人

以忠孝甯為亂 甯元北並作軍是

辛巳官奴真授參知政事至謀誅官奴 七十六字當改

入下俱入宋文下 巳元作卯當作亥 自古無不

忘之國忘元作巳是 辛上當加五月己酉官奴敗大

軍于王家寺傳案官奴傳真授參政在五月五日己

西王家寺戰勝之後不合反在四月前乃錯簡耳

俱亾入宋 此下當加是月前譙縣尉王進等復亳州

烏古論蒲鮮 婁室傳作忽魯

至浙水 浙元作浙是 宋理紀七月敗武仙於浙江

婁室行省院於息州 案與傳不合

設四隅和糴宮 宮當作官

九月癸卯朔 當作壬寅朔 案下文庚戌為重九則癸

卯非朔也宋理紀亦壬寅朔

十月戊辰更造天興寶會 辰巳作寅 北無會字非

獨此為介介爾 爾元作耳

三年 甲午 宋端平 年蒙古六年 帝自縊於幽蘭軒 此下當加年

三十七

贊 宣宗南度 度巳作渡

卷十九

世紀補 元本有補字南北本脫 補下北注追尊二字

景宣皇帝 集禮天會十三年奉上謚號乾文閣直學士

蔡靖攝門下侍郎乾文閣待制吳激攝中書舍人

改葬興陵 此下當加皇統五年增謚允恭克讓孝德元

功佑聖景宣皇帝

降帝為豐王 豐海紀作遼

睿宗 本諱譎里朶 案宋史作窩里唄

魁偉尊嚴 此上當加帝

宋馬括兵 此上當加六年正月紀

北拔离速至揚州 北當作比

或宗輔宗翰宗尹中 翰當作幹

降甘泉等三堡 三泉傳作二

甘塔 塔已作谷

慕洧 慕西夏傳作暴

十三年 此下當加五月甲申紀 案集禮五月十一日

廢務

世宗即位追上尊諡 追下當加諡簡肅皇帝大定三年

九月加紀

改葬於大房山 昂傳為敕葬使即此

顯宗 按百官以禮勿以儲以生驕慢 按已作接 儲

以北作儲位是

四年 此下當加六月己巳帝有疾世宗往視紀

受冊謁謝太廟服常朝服乘馬 案禮志皇帝恭謝儀降

輦升輅未嘗乘馬乃大定七年後之制此則指五年三

月上尊號時事尚在前也

庚戌受皇太子冊寶 戊當作辰紀 受當作授 集禮

七年十二月一日命侍講學士張景仁撰冊文禮部侍郎劉仲淵書冊篆寶五日差工部侍郎張仲愈提點儀仗二十五日命右丞相良弼告天地樞密使志甯告宗廟平章政事守道攝侍中奉寶讀寶右丞石琚攝中書令奉冊讀冊

隋王惟功 惟已作永

十一月丁亥 此上當加十一年

十二年十月 二元作三是

十四年四月 此下當加戊辰有事於太廟帝攝行祀事

紀

上御之 上北作帝是

或能留一二年 一北作三

謂諸侍中曰 侍中已作中侍

帝冬獵 案集禮守國儀皇太子起居表問圍獵事如何  
勅旨來往日數從太子所欲又釋重玉有從顯宗皇帝  
幸龍泉寺詩刻是也

二十五年正月乙酉 此下當加朔 紀

張僅言 僅北作謹非

贊 太子之猛安也 子元作祖是

宗翰請立熙宗宗望不敢違 翰當作輔 望元作翰是

舊史稱溶宗 溶元作睿是

金史詳校卷二 同治己巳四月烏程汪日楨校錄于開元寺寺在紹興府城會稽縣治南百餘步

*[Faint bleed-through text from the reverse side of the page, including characters like '金史', '詳校', '卷二', '同治', '己巳', '四月', '烏程', '汪日楨', '校錄', '于開元', '寺', '在紹興', '府城', '會稽', '縣治', '南百餘', '步']*

